

國朝詩鐸



10142

國朝詩鐸卷二十

錢唐張應昌仲甫選輯

忠臣

忠孝節義之什稽集志乘所載塞乎兩間曾別輯錄為國朝詩正氣集有數十卷擬擇其尤者選入此編乃遺劫燬并原采書亦全失今覓書補選甚艱就舊選者以僅存之書撮補挂漏多矣

○忠臣敬錄

國朝諸公其歌詠勝朝末年殉節者不錄孝義節烈之人采錄亦如之

王虎子歌

虎子諱起彪唐入順治丁亥進士授江西德興令甫蒞任隣寇擁眾襲破被

執不屈遇害詳本傳

楊雍建

天界完節兮毓德錢江春秋大義兮明自雞窗百里之

寄兮身入危邦亂賊蠡涌兮倉卒紛靡白刃環向兮劔

戟相撞從容致命兮誓不肯降氣塞蒼冥兮碧血滿腔

國朝詩鐸

卷二十 忠臣

日星燦燦兮流水瀧瀧

陳僉憲殉節詩

諱丹赤闈縣人官溫處道僉事總兵祖宏勳叛應闈變死之贈通政

使謚忠毅

王士正

爭飛海水動妖氛大節堂堂獨不羣真見司農生擊賊

還同車右死嗚君赤城地遠埋殘骨朱鳥魂歸哭陣雲

他日東甌應廟食靈旗風雨夜深聞

楊僉憲闈門殉節詩


諱三知良鄉人神木道僉事參將孫崇雅叛同妻妾二女

赴井死贈光祿卿

又

西來鼙鼓震秦川神木城頭火夜然直向重泉尋八口

居然一死動三邊飛書大將論功日嚙齒孤城入地年



髣髴并幹明月下苔痕零落聽啼鶉

劉富川殉節詩諱欽廬陵人任富川知縣粵西孫延齡叛罵賊殉節贈太僕少卿

賜諡忠節

又

白沙江上別蒼茫憶爾廬陵節義鄉萬里青燐連桂管

三年碧血照清湘烏啼濺淚逢寒食馬革驚心裏戰場

望斷銘旌何處是蒼梧愁絕暮雲黃

蘭谿丞徐君殉節詩諱岳廣昌人浙寇陷武康署縣事懷印死之贈按察僉事

又

連城大帥豎降幡獨有微官死報恩故印猶存同杖節

巫陽無地與招魂雙松幾歲噉廳事大鳥何年立墓門

國朝詩錄

卷二十 忠臣

二

聞道荒城還渴葬怒潮穿脇越江昏

定邊堡守備劉君夫婦殉節詩諱士英朱龍據堡以叛與妻妾俱死

之贈拜他喇布勒哈番世襲

又

河套南來花馬池嚴城一夕滿旌旗驚傳絕塞豺狼窟

坐失三軍熊豹姿恤緯孤忠留婦女成仁浩氣屬偏裨

高牙大纛工翻覆請視劉君墮淚碑

贈太僕卿高忠烈公挽詩諱天爵建昌守殉難閩中 宋 學

烏石峯高穴獮虎赤狐跳跟黃狨舞血牙鬻炙氣益龕

紅帕抹首錦纏股妖氛一夜連汀漳盱黎城邊波沸湯

太守弓刀夜乘障不識眞卿作何狀七尺誓與孤城俱

變生肘腋誰周防去聲嗚呼南入眞男兒壯士隱忍欲有

爲不成死耳肯作賊銜鬚茹刃甘如飴璽書褒忠 主

恩厚汗青焯焯行不朽顏舌段笏今有無杏山鐵漢建

昌守

附胡高望題高忠烈公傳後詩

采風兩度經盱水山清水清風俗美寒雲莽莽萬年
橋忠烈聲名照青史史稱大節殉此城孽藩倣擾連
地豕自云守土十六年百戰金甌甘誓死外援未應
內訌生遂繫南冠園土裏畢命從容謀池時顏常山
舌雖陽齒惟公起家自襄歷典州郡民樂其節
黃巾定黑山撫循到處蘇滄痞平生經濟本經術正
氣歌成誰與比 聖代褒忠有殊典易名晉秩馨香
祀哲嗣趨朝相業隆更傳世錫尚書履文孫今又守
西江人識名駒咸志喜共傳文武忠孝家煌煌偉行
紀從頭

國朝詩鐸

卷二十 忠臣

三

范忠貞公祠

公贈官保兵部尚書嗣君督閩浙亦官大司馬鮑

鈐

當年閩海見傳烽犀兕空多棄甲重天節並推顏魯國
孤忠直繼段司農碑題峴首留殘碣世握兵符踵舊封
應與睢陽同廟食堂堂授命盡從容

江西新昌典史諸公死事詩

蔣士銓

雲南反江西亂軍民逃官吏竄會稽人諸士英尉新昌
有妻傳有母王有三子一女有僕諸福臧獲良母年八
十兒年四十九孤城如斗兒獨守力盡被賊縛罵賊不
絕口啖以冠帶怖以刃妻子悲啼一何有賊曰降不降
公曰殺便殺箠交下血肉飛凜乎臣節不可拔臨刑

日占二十字就義從容持定志明日母卒列兩樽贈秩
主簿遣官祭妻子飢寒留異地三年求乞骨始歸忠臣
官小傷如是烏虜幼慕文山號文水終與天祥同一死
咄嗟何人典史耳典史死事懼失實太史之書存特筆
康熙甲寅年仲冬廿一日

尉忠祠

祀戶部主事趙文哲刑部主事特音布王

同知鍾那任通判府吳一嵩候補府王如玉府
念彭元璋知縣徐瓚張世永許椿孫維龍章世
珍程蔭桂及其子烈布照磨倪鴻縣丞倪祿吏
日羅戴堂巡檢郭良相典史吳鉞許濟周國衡
祠在少陵草堂之西顧觀察
光旭倡成王吏部袒撰碑

吳省欽

太歲在癸巳六月初十我軍軍昔嶺滑遼朝徑溼定

國朝詩錄

卷二十

忠臣

四

邊印如斗誠子預藏襲獵獵移纛旗未暇整伍什將投
木果旁堅壘待重入中道膏賊鋒師潰咎誰執一雙蘭
署郎機庭練批答袴褶來從軍併命祇呼吸徐常司度
支吳羅備典給隨行卽隨死僵臥委鞞哈以上殉先時
番孽降野心欠馴習招搖颺白旗還往悄游謀聊以夾
霸番語強劫也嘗各各繕槍鉞將軍置罔餘黨孰竦驍
窺美臥溝朔日晚告急提臣防禦單倉猝斃羣嚼遂延
喇嘛寺欲向別駕齋父子甘捨生禡剝逮縋綆角礪檄
報同科多火攻合鍾程暨仙尉濟望救痛何及桓桓推
郭吳半通寄冗闕相持閱幾朝相格斬幾級以上糧站各員遇害

勢去終莫支礮臺跡旋躡吏卒慘歎商民駭駭駘號
呼赴大營營門拒弗納侵晨敎大開出走擁蹀胛將殞
兵竄亡瓦解浩難戢登春驛重臣枯朽被摧拉且戰且
退奔矢石冒千疊取道爭兩厓厓上礮聲接從官十三
人先後尸枕壓十三人從督臣登春退師途次遇害肉爲飢鳥銜骨爲訓
狐攔國殤不勝書鬼錄不勝牒文臣不惜死公等更酸
咽晴沙東林裔倡議度地協芝栢映藻井栗王替畫翼
慰忠祀江城昭忠祀京邑姓名婦孺傳事蹟史成輯尙
有楊鄴都蠶雷運歎欲給賊殲數人斯舉漏章摺身殉
衆競憐廟食爾同愜鄴都楊令被賊害請優卹摺拜修辦

國朝詩錄

卷二十

忠臣

五

香陰景耀靈煜

按楊令事見下張詩

楊鄴都殉難詩

楊明府夢桂無錫人孝廉任四川鄴都令值金匱逆命調赴軍營監

製鐵位屢有功癸巳六月大軍至木果山衣半賊劫賊局擁公去環叩賊之必公陽救之而陰詭其製反裂殄賊無算賊會切齒刺公屍如泥事聞詔贈兵備道賜祭葬謚一子如

官

張雲璈

木果山前陣雲赤紅衣大礮轟天坼金匱肉破飛滿空
戰骨千年不能白楊侯手奉將軍令一擊能殲萬人命
礮局驚傳製作精鐵騎雖行不敢橫賊冒萬死來急攻
計劫礮局先劫公有公不患礮不工首崩厥角請命同
公僞大笑欣相從敎之樞紐藏其中忽然反走軍無功

奔馬倒躡深谷窮狂蛟退入馮夷宮賊如落葉隨迅風
快掃屯蟻巢爲空殘骸膾體不見蹤入血作雨漫天紅
賊衆恥爲公所紿露刃攢公骨俱碎萬點寒沙萬點燐
定化陰兵成一隊 朝廷痛惜褒忠魂贈官賜葬陰子
孫賊雖恨公重公義鄴都嘖嘖名猶存以賊攻賊賊不
知轉環計妙乃若斯君不見楊侯之心本鐵石楊侯之
手眞霹靂

保安驛丞張煥死事詩

詹應甲

驛無守具官無兵賊來犯驛驛馬驚驛卒跪請官入城
官曰吾職乃守此義與驛馬共一死大聲一呼奮袂起

國朝詩錄

卷二十一

忠臣

六

抽刀屠賊如屠豕賊衆且潰官色喜壯哉何官驛丞耳
驛丞手無縛雞力能伸大義死不惜若擁牙旗坐上頭
身先士卒軍心激援兵不至城門開賊怒驛丞合隊來
火礮入夜轟如雷驛丞死事計早決但恨羣賊未撲滅
體無完膚罵不絕吁嗟乎闔門衆口肉流血破巢之下
一卵完 褒忠有典加其官官卑未有如驛吏驛吏千
秋有生氣保安之難丁巳春婺源張煥殉其事

洋州行弔曾大令

諱彰泗四川德陽人以拔萃任洋有循聲乾隆丙寅秋寧陝叛

兵破城曾以大義責之賊脅之城黃孫瀛

墮廟以沸湯灌喉罵不絕口而死

洋州城堅似鐵欃槍下墮虛墮裂棄甲何來犀兕多反

戈忽見蟲沙滅使君一死且不辭口中况有常山舌湯
湯百沸倒軍持甘似醍醐通體徹盤旋那復畏蘊蒸血
聚丹田本來熱一時煎燭及肺腸百鍊純鋼留骨節竟
將糜爛作全歸如此捐軀亦奇絕 皇威遠振劫火消
特典頒頒重人傑復隍配食颯英姿靈來悅惚雲旂擊

襄陽縣呂堰巡檢王君殉難詩 原題曰哀呂堰
從別集此題改

君名翼孫號聽夫長洲人官湖北呂堰驛巡檢
嘉慶元年二月邪教倡亂賊起襄陽縣之黃龍
墩君團練鄉勇並列戰守議八條上大府不報
賊大至度必死乃作家書付弓兵劉祿問道歸
飛書告急大府援不至鄉兵漸潰去君橫刀登
大橋手刃數賊中矛投橋下賊鉤而出之罵不
絕口遂被害毀其屍事聞郵晉武德騎尉世襲
雲騎尉又祀昭忠祠襄陽人於橋上立祠祀焉

國朝詩錄 卷二十 忠臣 七

事詳君兄鐵夫廣
文芑孫行實中 劉嗣綰

襄陽賊兵逼呂堰誰守驛者王巡檢吁嗟巡檢官則輕
以死守驛同守城守列入議官不用官兵縱賊賊兵衆
三月廿九歲在辰巡檢突出奮一身手書報家身報國
身退一步死不得是時殺氣橫北橋梟三賊首賊勢囂
巡檢大呼橋下墮巡檢一死賊膽破至今賊來不敢橋

上馳英風蕭蕭巡檢祠

王巡檢詩 巡檢殉呂堰之難民祠祀之歲久傾圮
湖北按察使嚴公煨檄襄陽李令新之
繪祠附書奇蹟夫先生余過 陳裴之

淵雅堂見嚴公書因成是篇

黃龍墻賊攻呂堰拒賊獨有王巡檢呂堰無兵復無城

巡檢立堡團鄉兵運籌初定賊烽逼部勒吏民出迎擊禽賊三人斬橋側驛在橋南橋在北巡檢守驛急守橋大吏護城不護驛惟勸巡檢避入城巡檢誓死不肯行亟麾弓兵歸取印附作家書報凶問弓兵不至趣小吏小吏方行賊來矣陣雲壓日風蕭蕭巡檢立馬當大橋奮勇殺賊揮短刀橋下戰血噴紅濤渠凶突出俞宗武猛舉長矛刺腰股羣賊乘之戈亂舞創重狂呼躍江澚賊驚倒戈鉤出之怒罵不屈鬻其屍賴有小吏知死地小吏者誰廖之義未見戰死時但見水中飄血衣死狀模糊未入告橋頭夜夜忠魂啼將軍奪驛大破賊

國朝詩鐸

卷二十

忠臣

八

獲賊并獲銅印一訊官被戕事得實入奏 九重方議卹血衣歸葬頒帑金嗣孤八歲隸羽林祔祀昭忠薦牲醴褒忠勸盡卑官心嗚呼八事煌煌計誠遠殘兵無援事已晚斯人自合寄封疆可惜區區一巡檢保障偏隅能報 國歲祀襄陽拜武德祠楹嚴李繼修營史秉袁枚洪亮吉 載忠節嘉慶紀元歲丙辰日在乙亥月季春巡檢氏王名翼孫死年四十長洲人

李忠毅公挽詩

諱長庚浙江提督嘉慶戊辰擊蔡率于海洋陣亡 賜諡追封伯爵

敕於原籍同安建祠

潘賢

海風怒號海水立奮勇破賊追奔急誓掃機槍酬 主

知兜擒巨寇在呼吸突煙冒刃戰縱橫豈料倉猝隳長

城黑水洋中遺恨在公追蔡牽戰歿於黑水洋編氓部曲皆吞聲溯

昔舟師公總統用浙用閩久倚重髻齡自負便非常天

生我才必有用幼入學常書此七字一舟之主匪易勝誰歎把柁

臣也能常於柁為一舟之主又詢及海中事宜以鳳尾簪橫

及水澳鎗礮所到同芟芳當時海盜如鳳尾郡悉橫郡水澳郡皆就擒惟蔡牽郡存

蔡逆未除恨未止幾番血戰摧海市逆黨聞名魄已禿

甯敵萬軍莫敵李海盜有甯敵千萬軍莫敵李長庚之語貽書商榷智勇

深甘苦與共人傾心梭船特仿同安式指揮兩翼旌旗

森風雲沙線知之熟月夜揚帆還坐讀月夜揚帆坐讀書既撫軍贈句

國朝詩錄 卷二十 忠臣 九

也公有和詩贈紵嘗膺伐木章擢才不愧空羣自助賑當年

德在民宮牆巖舍同時新公有助賑後倡捐重修學官事于今儒將推

第一一朝星貫滄溟塵臨危授命烈且壯執盾持刀屹

相向瞪目直視面如生寸心耿耿何時償方今天子

褒殊忠建祠 賜謚世爵崇 九重特下悲憤 詔將

士感奮氣益雄從此合兵肆霆擊縶割淋漓奏刀著轉

瞬孫盧已就禽公其慰矣同親歷次年蔡牽伏誅泉山峩峩廟

貌光海天渺渺靈旂颺忠魂千載自擁護淨洗兵甲波

無揚

八卦山行哀彰化朱明府死事明府諱潤仁和人由臺灣府經歷攝

彰化縣事乾隆乙卯正月鳳山縣民陳周陳光
愛等聚眾焚掠光愛被擒周遁去糾餘黨於三
月十三日攻陷鹿仔港乘勝至彰化彰化無城
可守時有副將張某游擊陳某屯兵八卦山距
縣五里明府命子兆嗣請救既又自往痛陳利
害二弁不爲動賊已鋒至攻山兵潰明府二弁
同被害夫人聞變率婦魯女孀姑投水遇救復
投纜獨夫人又得救不死兆嗣亡歸偵知母在
奔視而明府及婦女遺骸已爲輿夫等收殮是
役也明府以離城守格於例不得卹婦與女俱
邀旌典烏庫草窳之衆一鼓可滅而擁兵者逞
撓觀望重發難而惜身命卒亦不能免吾哀明
府一門殉節觀夫輿夫芒屨爭收

骸骨知恩義入人深已爰作是篇王

槐

搜羅金穴窮膏腴而走險森戈爰倉皇勦撫俱失策
逸出旁縣遭焚屠八卦山前列旗鼓握兵觀望散部伍
斷指淋漓語未終賊眾憑陵氣如虎怪雲壓陣乘長風

國朝詩錄

卷二十

忠臣

十

將軍駢首縣令同摧枯拉朽一軍覆握拳嚼齒真人雄
夫人聞變起嗚咽義激蛾眉慘無色拚拋骨月付波臣
忍將紅粉罹鋒刃轉波間死未能投纜先後魂冥冥
捐軀一日靈旗動戰血千年鬼火青天慰孤忠留一綫
耶君母子重相見慟哭還疑夢裏逢急收殘骨歸鄉縣
簪筆儒臣重策勲魚軒象服表貞魂鄙夫誤公失死所
精靈夜夜哭幽墳我作公詩奮直筆紙上霜飛聳毛骨
輶軒他日采風謠會將公事排天闕

黔南二忠詩

吳振棫

甘忠果公文燬祖籍江西遷瀋陽隸漢軍官雲
貴總督康熙十二年吳三桂反以書報川湖總

督蔡毓榮趨其集兵沅州聯黔楚聲勢會巡撫曹申吉提督李本深已受僞命督標兵被脅誘不受調遣公令妾婦數人縶死而率數騎與子國城等疾馳鎮遠北至副將江義得三桂書以兵圍公於吉祥寺公向北再拜自到死國城等從殉寺有古柏二株堅若鐵石蓋正氣所結云

援謀自臧殉國志早定古柯寺門雙號風肅清聽

王忠毅公之鼎漢軍人襲子爵官提督康熙十
八年吳世璠據貴陽賊將犯永甯公爲四川提
督守永甯外拔絕城陷率兵巷戰左腋創被執
昇之貴陽世璠說降不屈賊怒以刃擬其頸公
瞋目大罵曰逆賊何不速殺我遂遇害是
日大風拔木黃塵蔽天同死戰弁十二人

爲鬼當殺賊豈有降將軍嬰城復巷戰壯氣鬱如雲使君不負國孰忍負使君風霾塞天地憤泣紛精魂

國朝詩錄

卷二十一 忠臣

十一

張忠武公國樑輓詞

又

歸義尋常事忠勳見此人才推今大將心擬古貞臣殉國悲倉卒論功劇苦辛中朝詢訪急惡耗願非真公陣亡後奉詔詢訪數月後始下恩卹之命蓋猶望其遇救獲生也

主帥何如者眞憐乳臭兒倚權違苦諫失計潰全師盜賊爭相賀東南遂不支如公能老壽戲亂豈需時

桐船行弔胡將軍和陳雲伯作

蕭掄

雲伯詩原序云將軍名振聲閩人官浙之温台鎮總兵所乘戰艦以桐木爲之輕而疾出必爲諸軍先賊畏之將軍每於將軍出勦開俘獲則喜否則怒不見以故將軍常力戰嘉慶時將軍赴閩大府檄赴臺灣擊賊賊方伏島中船先至被圍援師不至獨率所將二百人戰死傷畧

盡賊擁去勸降將軍怒罵求死不食且扶其傷
而死賊棄其尸海中事聞詔贈提督官其一
子將軍之往臺灣也與浙撫阮公書自度必死
但恐死于海外或有誣之以爲卹過地者則身
名喪矣及將軍死傳說果不一有敗卒逃
歸言死狀人乃歎將軍之烈且有先見云

永嘉城頭角聲咽大星墮地光不滅白頭老母望兒歸
不見桐船淚垂血桐船輕疾如游龍將軍百戰多威風
不知乃由阿母訓不殺賊歸母須愠桐船昨出時別母
換征衣只言兒向閩中去那知陷又鯨鯢圍鯨鯢自伏
臺澎側閩中將吏誰敢擊幕府聞得桐船來火急軍書
催赴敵將軍來非爲出師 國家有事安得辭貽書中
丞誓必死要使大節千秋知天茫茫波浩浩吹桐船落
國朝詩鐸 卷二十 忠臣 三
賊島矢石旣盡壯士亡將軍挺立神不撓大呼狂賊速
殺我羣醜投戈擁公坐抉傷且學魯臧堅捐軀夙志今
朝果 聖主酬忠禮數全可憐調語尙紛然果然不出
將軍料誣作哥舒語浪傳有卒潛歸自賊壘自言親見
將軍死話到蛟龍食魄時阿母聞之悲不止母勿哭母
教兒殺賊兒死身不辱桐船雖敗鬼猶雄森森直節誰
能同便是龍門百尺桐

王文璋哀廬陽篇見將帥門

馬將軍歌

諱定國官福建南路營守備康熙五十
四年朱一貴之亂力戰殉難其孫鳳池

述將軍遺事
爰作歌紀之

徐 葵

朝呼鴨暮呼鴨鴨與妖賊攬甲一貫幼養鴨爲業每叱鴨者成伍愚民異之遂

擁之妖氛將軍開城揮三軍跳刀走戟何紛紛十盪十決奔

如雲何事城頭鼓聲死守陣軍爲賊人使將軍守土關

存亡轉戰已無麾下土白首親兵也大成短衣匹馬相

隨行賊人注矢弦不鳴環呼將軍是好人我輩戒勿戕

其生將軍聞言忽嘖喝賊不我殺我豈活急揮大成速

突圍他日呼兒收我骨拔刀自刎血灑空以血塗玦玦

盡紅手付大成成泣受身僵直立橫屍中賊人咋指盡

羅拜是將軍者真鬼雄天兵迅掃機槍奔大成幸保

國朝詩錄 卷二十一 忠臣 三

將軍門郎君問關歷戰地瞥見高冢鬼然存將軍義不

葬賊手敢道骨寒今已久啟土爭看忽大驚異事流傳

萬人口五十三日顏如生昔日刀瘢痂結成吁嗟乎將

軍忠勇信無敵將軍英烈真如神同時死難歐總兵歐陽凱

許副將許雲馬將軍事未聞 朝野大書特書不一書以告

采風入史者

書滑縣令強公克捷殉難事 克捷陝西進士殉難 賜諡忠烈建專祠

柳樹芳

忠臣不畏死烈婦肯苟生一門萃節義血濺滑縣城滑

縣令者誰姓強克捷名讀書志慕古願學顏真卿當官

不避事人頌包公明廉知逆匪首密擒李文成欲窮其
黨類明正吾典刑豈料竊發徒操戈便縱橫憑陵我郊
壘傾覆我棟楹城以官爲守官以城爲屏城亡官與亡
氣欲吞機槍更有賢子婦罵賊不絕聲肉鬻骨雖毀奇
節天地擲長媳徐氏 賜諡天子嘉忠節 賜諡蒙
雙旌專祠重香火綽楔高門庭

朱琦老兵歎紀林弁事見將帥門

孔繼鑾三總戎殉節詩同上

葛壯節家書題後

公名雲飛山陰武進士任定海總兵丁憂道光庚子軍興起用在定海與其妹婿朱世祿畧云夷禍未發之前

國朝詩鐸

卷二十 忠臣

十四

文武大吏漠不關心失事之後倉皇無措遷延日久羣議蠱起或圖便私或矜意氣既無切中窾要之論亦無公忠體國之心余受事後屢言犬羊之性非大加懲創無以善後將勦辦機宜條陳當事諸公咸以爲難自後局勢屢變忽忽忽撫總無定見現雖收復而善後事更無把握余一武人仰荷 聖明起用 惟不避艱危務盡我心而已 徐 榮

竹山門頭月光苦窮海精魂夜深語國之大事在師旅

當時心肝奉吾 主可憐恬嬉相媚嫵築室於道聚羣

譬舉棋不定勦忽撫陳十八策一莫取武人惟有勇可

賈毀家助軍貸子母堅我戈船利我斧越八月望來舳

艫白者了烏黑者奴鴟張蟻附爭睚眦茫茫天海一島

孤戰六日夜援兵無臣力竭矣心不枯死人如麻如葦

蘆有墨其經厥狀殊平生言之今不渝曰惟見危捐以
軀謂予不信視此書

提督陳忠愍公殉節詩

按寶山王樹滋陳公殉節始末記公同安人諱化成

歷官廈門提督道光庚子英夷擾浙東特移公居二易暑寒未嘗解衣安寢優待士卒而自奉其儉時有官兵都吸民膏隨陳公但飲吳淞水之謠舟山乍浦失守他邑皆騷動惟吳淞左右持日自卯至巳發礮千餘門傷大夷船五火輪船二夷人欲卻適牛制府攜兵出城夷望見礮擊之牛急召總兵王志元王已遁去牛亦遁衆兵隨之皆竄公孤力無助猶手發礮數十次身受重傷礮折足鎗穿胸伏地噴血而死年七十六民間公死皆曰長城壞矣號泣奔走事聞詔賜專祠子騎都尉世職松江人王

國朝詩錄

卷二十一 忠臣

五

一木難支大厦傾將軍殉節萬民驚丹心料有天垂鑿
白日愁看鬼橫行公已成仁甘就死士惟見義乃忘生
怒濤夜激蘆花岸陰雨靈旗戰鼓聲

又摘句上海陳培庭云皓首不能生擊賊丹心惟此死酬君崇明施子良云肘常勞擊生餘骨掌僅孤鳴死竭忠

絕命詩

咸豐癸丑二月金陵陷作

湯貽汾

死生輕一瞬名義重千秋骨肉非甘棄兒孫好自謀故
鄉魂可到絕筆淚難收囊葬毋予慟平生積罪尤

輓詞次韻

湯成烈

授命臨危日成仁蹈義秋全歸能繼志絕筆見詒謀矍
矍心仍壯沈埋骨未收遺命以蘆席卷埋竹園內雙思堂下水清冷

更何尤

陳書談要畧公會刻金湯十二籌諸書去歲嘗以戰守

滅賊諸畧上書江督陸建勳恐賊有猝至

江甯之勢經秋保衛乘城續順道光壬寅英夷犯

陸不能用勞畫已道順公與在籍紳士

設保衛局同心防艱危在野謀燎原詎易撲覆局竟難

堵奉 旨褒獎收赫赫誰當路能無眾口尤陸帥自九江遁歸江甯安

師金陵亦因之而陷金陵龍虎地一夕黯然秋祇有聞風遁會無未雨謀黃

巾猶未合赤幟已全收白髮丹心迴身殲孰可尤

家國無窮恨當茲多難秋枕戈期遂志投筆未成謀莫

洩心胸憤何能涕淚收從戎吾計決報復庶無尤

國朝詩錄 卷二十 忠臣 六

次韻輓章 哀然成集 未能備選 止錄是篇

贈中丞趙公輓詩諱景賢歸安人拒粵逆守湖郡 屢著戰功久之城陷被執不屈

罵賊遇害公先以功授汀漳龍道 守鄉未赴任郵贈巡撫諭忠節金鴻佺

雪川城門朝不開上流潰師奔湍來流民扶老攜嬰孩

哭聲震地昏塵埃趙公奮臂登陴立八千子弟一呼集

激發忠義咸感泣怯膽變勇血戰急短兵礪刃還再接再

捷書繼踵摺重疊惟公儒雅本書生躍馬提戈為干城

虎鈴豹韜心胸撐不是文人敢談兵黃封亦有香醪清

憂來詎敢深盃傾公素 豪飲中丞薦贖達 天聽折撫王壯 愍公數以

公功 疏陳嘉乃危城克底定監司授職宜報稱閩南一路福

星應 詔書拜誦涕痕新臨難棄去非人臣生靈百萬

繫一身詎忍獨活天南濱挺身百戰兵已戢屈指三年

寇又及包胥乞師空涕零析骸易子悲罄餅壤雲壓天

日無色一片孤城氣皆墨似聞嘻嘻還咄咄奇兵突圍

月昏黑楊腹彎弓猶殺賊機槍吐焰摧崇墉火龍擺領

連天紅萬頭亂飛如瓜割公也巷戰戈相撥賊酋大呼

宜生擒生擒受賞償萬金樓船載向姑蘇臨二薰三沐

覆錦衾欲以恩遇柔其心酒龍病渴百壺挈西江吸盡

驚一瞥狂吟淋漓揮醉筆慷慨罵賊肝膽裂滿腔熱血

灑愁絕此心欲折如折鐵公被虜飲酒并刀出鞘光晶

回朝詩鐸 忠臣 卷二十 七

瑩霜鋒刮面神不驚魂銷骨碎酬 君恩髑髏含笑還

怒噴文山而後之一人温公抗節亦同倫温太守 紹原 祇少

孤兒能殉親公長子十二歲聞 父盡節一慟而絕 九重褒忠敕立廟日

月光華爭炳耀空唯無人鶴相弔魂招不來風料峭吁

嗟乎粵氛疊陷金城固天塹長江一夕渡公之勇銳鋒

誰擾惜守一隅不與守金陵

譚廷獻哀二賢詩見將帥門

附徐君青中丞 有王 錄 殉節詩 江蘇巡撫 諡莊愍 張興烈

元戎戰死督師遁十萬紅巾薄城陣壞雲壓天大欲摧
七里長圍成月暈城頭月黑飛震霆風吹胥江戰血腥

登城下視心膽裂喧闐不辨賊與兵守陴之兵鞭不起
兵與賊通卽賊耳須臾兵潰賊入城官吏奔逃不能止
孤臣血淚憤填膺大局東南壞如此臣心耿耿可告天
臣罪如山罪當死大臣死必獲死所清德堂前一池水
同時從公死者誰夫人公子女公子血肉全家葬碧流
姓名千古昭青史 上聞震悼下所部卹禮優隆庸慰

汝裏屍幸有吳甸身白骨長埋乾淨七城陷時有勸公
幼子出走者公

止之并有不如乾淨之語吁嗟乎朝廷養士期致身如中丞者能幾

人吾鄉氣節邁今古尚有雲間七品臣公浙之歸安人
同里下小雅大

令乃詭攝婁縣事五月
間松江城陷殺賊陣亡

國朝詩錄

卷二十一 忠臣

孝子

六

孝子

繡州孝女 女李氏志在事
親終身不嫁

李鄴嗣

遠我父母事人父母誰無父母誰有父母一解 少慕事

親十年不字長慕事親終身不字二解 謂我女子謂我

男子宛然孝子宛然處子三解 有父子倫無夫婦倫嬰

兒子後惟此一人四解 暮雨梨花年年寒食麥粥一盂

父母之側五解

打虎兒行 禹州民朱兒救父打虎
史使君廷桂獎勞之 毛奇齡

打虎兒乃在汴梁之禹州禹州城外朱家樓小兒十一

隨父耕深林有虎斑毛成颺颺黑風吹草根乘風攫人

誰敢櫻小兒不識虎疑是狐與狸陡然見虎銜父肢兒
啼向風不得父把杙打虎截虎路三尺童子五尺杙憑
空擎去著虎臆虎驚顧兒舍父逸深林風草皆無色禹
州太守呼小兒予之以帛飽以糜余時在署識兒面披
髮跳躑真兒嬉問兒打虎虎何似舉手張牙作虎勢假
虎隱幔恐小兒小兒驚避力不支當時見虎乃無怖此
事我亦昧其故禹州太守省得之是時小兒知有父男
兒七尺縱復橫爭名攫利萬里行高堂存沒總不問那
肯捨身戀所生我所思打虎兒

贈顧孝子

孝子名棟字上掄代父從
軍運餉贖罪朝野稱焉

孫宏

國朝詩錄

卷二十 孝子

七

偉哉顧孝子代父出邊關輓輸萬里上馬去鞭梢直拂
寒潭山大義從軍何勇決少年不惜新婚別終童有志
請長纓不爲封侯募投筆絕塞重關險阻憑嗟爾儒生
弱不勝鐵衣凍合黃河水三十六臺霜雪凝惟君義氣
蒼穹脊定有神靈掣雷電妖氛潛匿鳥獸散威風不數
天山箭奏凱歌饒遍朔方 王師旋報滅機槍爲問飽
騰誰借箸當時孝子身能當歸來拜父成歡聚親拂征
袍馬頭住庭前笑語更開樽挑燈細問軍行處

畢孝子寧古塔負祖父骨歸里詩 余京

混同江畔沙草黃陰雲書翳天無光羈囚廿載者爲鬼

住往夜哭思家鄉虬山孝子痛父成賁志窮荒願身赴
蕙蘭憔悴悲春暉蚤向秋風委霜露鐵嶺遼河五十秋
旅魂漠漠傷淹留雞竿三明詔下龍禁蒙許枯骸還山
邱孝子遺孤年已壯望三闕奔號請歸葬西曹求檄頒
故遲躑躅京華家破喪萬里窮陬事遠征饑風密雪踰
長城呵冰鬚髮曉每凍闐角區脫宵常驚幽泉負骨旋
鄉里馬鬣齊封堂斧似兩世精誠事竟成不愧一門雙
孝子

王孝子詩

繆沅

丁徭日繁重閭戶多逃亡文安王氏子飄泊辭故鄉棄

國朝詩錄

卷二十 孝子

三

我舊井竈舍我舊耕桑甘心雜匹耦各自東西翔一

解

故鄉不能歸涕泣淚如雨一燈何熒熒健婦搭門戶生

兒在襁褓日夜尚須乳二

兒生未十期兒志如成人

上堂見阿母兒有平生親兒生不知父兒不如鮮民阿

母爲兒言汝父久埃塵上天與入地欲見愁無因孝子

聞母言含淚聲酸辛三

團藥復團藥爲兒授家室登

堂見花燭吞聲哭不得兒生未識爺何以安枕席誓辭

連理枝永遠事行役再拜阿母旁泣血流顏色四

解

出

門何所之惘惘別里門長號感行路天地爲之昏日則

望雲馳夜則戴星奔飛蓬冒天末何處尋本根五

解

行

行大壑旁僵臥荒祠外精誠動木石魂魄交冥昧開門
揖老叟夢中與神會午食見指南莎羹未粗糲當歸乃

隱語不聞附子膾

六解

迤邐入東南山澤形神枯黃沙

蝕顏面瘡痍生肌膚果然帶山下夢覺逢精廬佛香飄

院落有客蒼髯鬚詢知舊鄉里驚喜立坐隅尋聲猶識

得精神相感乎父子抱持哭淚落千僧徒

七解

慇懃勸

還鄉緇林戒行李入門見老妻毀顏已暮齒新婦潔盤

殮爲翁具甘旨至行格天地和氣淡鄉里高僧遺矩矱

子孫遍朱紫至今道旁人齊歌王孝子

按秦南沙詩云于海島夢人指

往南方得遇父與此小異

國朝詩錄

卷二十 孝子

三

雪莊張孝子詩

秦道然

玉峰靈區產秀民文章宦望何彬彬豈知鍾靈獨厚處
乃在不學不仕尋常人雪莊孝子世絕少堪與人倫作
師表上格蒼穹并鬼神下感仇讐及禽鳥孝子童年母
病始叩首顙天身願代灑血呼號天聽卑母命得全兒
首碎東隣火發延高堂火中脫父何倉皇翻身入火負
後母火煙迷目身幾戕忽然反風火勢轉齊呼孝感聲
洋洋中宵侍父父醉眠讐出牀邊白刃露赤身徒手起
禦讐手迎白刃手指墮還抱讐人講代死讐人擲刀心
感悟解讐願結平生歡有子如斯天所祐執喪廬墓空

山隈晝號夜泣心肝摧山靈震驚物類應萬鳥助哭聲
同哀呼嗟乎至行惟從至性出孝子何心表奇特天人
庶物同一根感之卽應如呼吸孝爲德本作人宗八十
婆婆一老農化導鄉邦成美俗用播聲詩待采風

沈孝子行

爲良思觀察子
庠生毀愁作

吳廷華

我友有子稱小鳳少歲六經熟磨礪忘身竟以死孝傳
千古人倫作桴楛孝子陳情救乃翁乃翁得旨還天
中昨歲母殯值隣火撲滅不覺麻衣紅麻衣紅不可襯
甯死肯任母殯燬頭焦額爛膚不完殯宮獲全孝子死
孝子曾補兩竿詩南陔白華有新詞居身潔白守庭訓

國朝詩錄

卷二十一 孝子

三

循陔乃厄南宮離我聞客位之殯塗且肆攢至西序預
火備此禮廢糜千百年致令孝子蹈炎熾我友哭子幾
喪明邦人請旌留孝名登危臨深古所戒成仁取義非
過情讀書要在持大節至行煌煌如火烈旌廬令典金
石光精神不逐劫灰滅別裁注士喪禮掘肆
見在肆埋棺坎下也

桑孝子抱鐙圖

丁敬

人生失怙情難述况復親存抱奇疾通腸入胃百未能
除卻鐙糜無異術豚糜羊糜漸謝功子心如沸一鐙中
明明親在養不得豈待臬魚撓木風死轉親亡腸欲裂
忍見團團煮糜鐵抱鐙哭絕咽無聲啾啾有耳鐙應泣

女黔婁 嘉何汪氏作

桑調元

女黔婁誰與儔阿嬖病心懷憂嘗冀甜憂孔稠嘗冀苦
病以瘳宗族稱女黔婁時疫行省病父貧骨月藥鏞釜
母妹活氣如縷父弟沒淚如雨女汪姓嫁于何夫也逝
痛則那哭父弟雨滂沱又哭夫溢為河影矢隻死靡他
奉君舅舅瘴病三年養考終命乳孤兒淚交迸手只鍼
面不鏡無與儔女黔婁

烈女李三行

天游李三傳畧云女李三者河南鹿邑人父業田與邑大豪相恨疾豪陰謀殺之使客陽與親召之酒而藥以飲遂發病

心知豪所為將死女從母泣於前父斷齒切叱曰恨終不吐矣女時年十餘聞父言憤蓄報豪

國朝詩錄

卷二十 孝子

三

志更數歲益長拔利刃候道上期刺豪豪乘馬從僮奴勢不得逞乃巧人為詞愬有司大吏數年無肯白其事者遂辭母奔京師將擊登聞鼓自訟為吏所關以陳於刑部與都察院交格之一如為司大吏在河南者久之有新任出於鹿邑者頗強直任事女乃走還令方升車令遮前大呼涕陳令受牒縛鞠容與豪皆窮服論罪未決豪死牢戶中豪家憎女謗為嘗受汚有邑公子心知女賢請聘之矢不許及母卒殮埋召族戚里鄰告之曰吾痛父見害幸得雪仇而名為人垢忍不早死者傷無弟兄終奉老母今吾事已其將有所自明室而掩之遂自絞也豪子暮相之視其面猶生將舉刀斷之有血激諸口類噴怒者豪子駭仆負歸亦死女死康熙中至今五十載子感當世無能文章揚洗

胡天游

大海何漫漫千年不能移太山自言高精衛銜石飛朝
見精衛飛暮見精衛飛吐血填作壠一旦成路蹊豈惟

成路蹊崔嵬復崔嵬女面潔如玉女身濯如脂十四頗
有餘十五十六時婀娜環春風明月初徘徊門中姊與
始隣舍雜媵人笑女無聲人懼女長啼昔昔重昔昔
妓痛不得治有似食大鯁禍喉連脅臍阿母喚不應步
出中閒閨女身亦非狂女心亦非癡向母問阿爺阿爺
誰所屍昨者門前望裂眼甯忍窺爺仇意妍妍走馬東
西街我無白楊刃鍛作雙虹蛻磨我削葵刀三寸久在
懷一心願與仇血肉相壅鬻仇人何陸梁挾隊健如聲
前者爲飢狼後者爲怒豺小爵抵黃鶴徒恐哺作糜大
聲呼縣官縣官正聾蚩宛轉太守府再三中丞司堂皇
國朝詩鐸

卷二十 孝子

三

信威嚴隸卒森柴崖安知坐中閒一一梗與泥何由腐
地骨鬼笑回牙欵孤小不識事聞人說京師京師多貴
官列坐省與臺頭上鐵柱冠獬廌當胸棲獬廌角嶽嶽
多望能矜哀局我頭上髮縫我當躬衣手中何所將血
帛斑爛絲帛上何所書繁霜慘濛埋細軀誠艱難要當
自防支女弱母所憐請母毋攀持今便辭母去出門去
如遺是月仲冬節殺氣爭驕排層冰塞黃河急霰穿矛
錐大風簸天翻行人色成灰夜黑不見掌深林抱枯枝
三更叫鷓鴣四更嗥狐狸五更道上行躑躅增羸飢舉
頭望長安盤盤鳳皇障下著十二門通洞縱橫開持我

帛上書鸞我囊中袿跪伏御史府廷尉三重墀尚書更
峩峩峩峩唱騶歸頭上鐵柱冠獬廌當胸棲獬廌卽無
角豈與羣羊齊李女倚柱嘯白日凋精輝結怨彌中宵
中宵盛辛悲有地何搏搏有天何垂垂高城不爲崩高
陵不爲阨爲遣明府來明府來何遲長跪向明府淚落
江東馳女今千里還女憂終身罹女誠不敢結願官無
見疑父冤信沈沈沈沈痛無期一日但能爾井底生朝
曦死父地下笑生仇市中封顧此弱賤軀甘從釜羹炊
語終難成聲聲如繫庖廩明府大嗟歎嗟歎仍歔歔翻
翻洞庭波洞庭非淵洄嶄嶄叩棘坂九折無險噉我今

國朝詩錄

卷二十 孝子

五

爲汝尸汝去行得知爺仇意妍妍舉家忽驚摧勢似宿
疹發驟劇無由醫同時惡少年驅至如連雞銀鐺押領
頭畢命填牢陛有馬空馬鞍永別街西廂叩頭謝明府
擗骨難相貽昔爲毘乳兒今爲箭還鞞遙遙望我里我
屋荒甍萊寡母倚門唏唏於杞梁妻女去母啖柏啖柏
今成飴雖則今成飴母悲轉難裁女顏昔如玉女髮何
祁祁女口含朱丹女手垂春萸哭泣親塵沙面目餘癡
劉宛宛閨中存鬢潒疑病罷姑姊看女來簪笄不及施
鄰姥看女來左右相呼攜各各自流涕一尺紛漣而鄰
姥少別去媒媪從容來三請得見女殷勤致言辭公子

縣南居端正無匹儕金銀列兩廂纖統不勝披身當作
官人華榮灼房幃頗欲得賢女賢女勝姜姬回面答媒
媪身實寒且微無弟無長兄老母心俱依所願事力作
澀指縫裙鞵安得隨他人乖違母恩慈母年風中燈女
命霜中葵須臾母大病死父相尋追棺槨安當中起墳
遂成堆一一營事訖姑姊可前來爲我喚長老長老升
堂階爲我召鄉隣鄉隣糜如圍十歲隨爺娘幼小惟癡
孩十五銜沈寃灌鼻承煎醢二十行報仇報仇苦且危
三年走大梁趙北燕南陲女行本無伴女止亦有規皎
皎月光明不墮濁水涓斑斑錦翼兒耿死安能翳長老
國朝詩錄 卷二十 孝子

得未信鄉隣莫休猜自此旋入房重闔雙扉朱繩入
九尺挂向梁閒頽鮮鮮桂華樹華好葉何奇葳蕤揚芳
馨生在空山隈烈火燒昆岡三日燄未衰大石屋三言
小石當連葦蕭芝泣蘭草萬族合一煤燒出白玉姿皎
雪寒皚皚玉以爲女墳將桂墳上裁夜有大星辰其光
何離離錯落桂樹閒爲照女容徽桂枝上摩天下根深
深基中央纏悲風聲出商陵吹吹爲行人聽千載長淒
淒

孝眼先生歌

國初金聲桓叛南昌居人爭避出城

烹之迎龍擁父頸求代賊怒以刀刺其左目迎
龍垂死不釋手賊義之父子俱獲免迎龍死

二日復甦左目亦旋能見物自云夢鄉先達吳公欲以杯茗故瞳已壞復完也鄉人稱為孝眼先生孫暉吉

官至大理卿

齊召南

天有眼乎應曰有請看孝眼熊先生異事至今在人口
當時羣盜殊縱橫狡獪獨磨牙虎搖吻白晝入市持短兵
空城出避走村塢病翁獨留守門戶已令江革負母逃
世甯不去隨阿父先生侍父其弟負母出避辛勤求菜供晨餐歸見
霍霍刀光寒彭修叱賊不顧死惜無寸鐵摧心肝哭祈
餓賊身願代叩頭千百願將碎賊刀刺眼血淋漓臨危
尚擁而翁背從旁一賊憐潘綜擲刀卻立為改容手揮
徒黨出門去翁翻哭子悲填胸創深仆地呼不起血漬
國朝詩錄 卷二十一 孝子 三

生

曾孝女詩

女父曾尚增宗聖裔也為郴州牧女幼母張宜人臥病不起侍湯藥四載乾隆

戊寅冬宜人病劇女亦委頓殊甚母憐之令少臥命老媪侍我女因即帷幕外假寐媪就榻前爐火烘衣倦臥衣燬火及榻女驚以手撲火不得滅守榻呼救家人起撞門入火已及帷宜人

自度不能免，促公救孝女。出女哭，挽母臂不釋。家人負公出，復奔孝女。女不許，曰：「速救夫人！」夫手捧母面哭，不止。遂從母焚死，火熄求其骨，見女身抱母骸，不得解。觀者皆涕。
田嘉穎
泣不能仰視時，孝女僅十五歲。

宗聖古孝子傳家多義方，承武數十世忠孝扶綱常。篤

生郴州公作牧，揚清光有女名衍綸，十齡能文章。十二

遭母疾，侍奉牀第旁。十五母疾革，日夕心傍徨。憂勞遂

羸，疴午夜遭奇殃。假寐帷幕間，老嫗事藥湯。燬衣延臥

榻，孝女起驚惶。疾呼救夫人，母面向捧。將有人扶，女出

嚙臂，仍入房救母。竟不得抱持，同死亡。有扶孝女出者，嚙其臂，仍入火

母。骨肉既合，并膏血難分。張吾人丈夫子，聞之痛中

國朝詩錄 卷二十 孝子 天

賜緡昔有曹娥，拯父溺大江。死抱出重險，血肉猶無傷。

痛此母女魂，萬古兩相望。郴人感純孝，祠祀修烝嘗。安

得幼婦碑表此孝女殤。

趙孝子詩 孝子名如，歟燕定州東馮村人。年十四

宋宋賄簡承簡坐死，姪亦坐誣得罪。釋宋及賈

未幾會赦，赦簡出母泣語孝子。孝子誓必報母

老弟幼不可死，因僞與宋結。歷十五載，母歿且

服闋，爲弟舉娶。適宋出觀，刺孝子腰斧，與俱。且

其後擊之，遂殺宋。詣吏請死，吏不爲自坐。辟時

乾隆十一年七月也。獄成上之，聞下所司甚部

知孝子無死法，仿古駁復讐議。上之制曰：「甚

是覆案，足擬孝子可以無死矣。」夫孝子死必無

恨願，君如堯舜，自有皋陶而有孝。鄭虎文

子死者如天下後世尚歌以紀之。

趙孝子定州東馮細民耳，生不讀書，不識字。父死，兒年

纔十四天荒地老寃莫伸鳴寃坐誣兄鬼薪脅從者簡
首宋實宋實賄脫簡罪辟簡罪未辟赦且釋死父含寃
生母泣泣顧幼子呼如勳汝族宋實殺汝親汝弟幼弱
惟汝身我今語汝知惟汝識之汝報之報之以死兒何
辭兒待終母天年時母亡弟長弟授室越弟授室纔五
日乾隆丙寅七月二十三日日之夕東馮村人夜觀劇
伺宋得隙覘宋出別墓辭家躡其跡腰間利斧光差差
如霜似電驚蛟螭精誠淬厲血淚滋一十五載神爲持
歸途陡遇格其肘腰間出斧斧在手力不敵宋宋欲走
蹶而復起斷其首大呼復讐須眉張日月慘淡天昏黃
國朝詩錄

卷二十一 孝子

五

狂飈動地沙礫亂。若有神助非身強。嗚呼兮孝子今無
其人古有此兒童聚觀老翁歎頃刻喧傳遍鄉里東身
到官官不問謂爾殺人罪宜死爰書具獄文下部司命
刑曹赫然怒駁議奏上 帝曰俞死未可知生有路於
戲我 皇盛德如天仁孝子不死萬物春孝子不死萬
物春於戲我 皇盛德如天仁

汪孝子詩

蔣士銓

右臂之肉不可療母左臂之肉不可療父兒身親身親
已亡血肉之軀亦何補朝視母墳夕憑父棺茆堂淒淒
臘日苦寒諄諄出出妖鳥語風捲簷茅棺莫舉孝子拜

炎炎弗許飛廉揚揚祝融怒抽刀斷指驚祝融神急止
火急反風父棺不動孝子死老翁叫孫孝子起翁欲告
人兒止止翁拾斷指裹以紙丹徒舍人啟衾視右手垂
垂缺小指兩臂創痕况若此把筆傳之淚如水江家五
世居丹徒兒名延祚未讀書生年二十但知父與母不
知肢體爲我有呼爲孝子兒不受倘以爲言兒卻走父
曰懷德祖曰珩聞史書之存姓名事在壬辰十二月孝
子不願朝廷旌

蹙丐行

朱璿

木則有本水有源此意今人棄如土怪爾蹙者胡爲來
國朝詩鐸

卷二十 孝子

三

居張家橋字張五天別其足代以手用違其意意不近
嗷嗷日乞於市中能使哀憐到貧賈道旁見者問之詳
泣曰丐貧丐有母丐有母兮無可養丐惟乞兮進一舖
足折偏憂親或飢風寒不敢自言苦有夜行者從東來
驚聞其聲瞰其戶一燈熒熒四壁寒歌呼猶作嬰兒舞
嗚呼斯世孰無親融融色養吾誰覩請君讀我蹙丐行
自反能無汗如雨

汪孝子詩

孝子幼失怙母目枯爲母砥目復明母

病歷歲時侍養浣濯皆身爲
之母卒營墓攀樹哀感不止

吳文倫

間氣何所鍾乃鍾黃山麓越國有苗裔至性超流俗昂

藏七尺表丈夫劬勞欲報慚慈烏可憐失怙剛九歲搗
踊袒括空號呼號呼慘淡風雲色哀感路旁咸太息
婦神摧身未亡孤兒長跪心盡傷盡傷心未休強慰阿
母憂癯形欲朽骨幾化老眼將枯淚不收眼枯白日坐
煙霧手足徬徨奚所措踉蹌雙瞳暗復明起居幸得安
常度慶雲藹藹陰庭闈色養無方未暫違肝脾忽復遭
時厲醫門無術驚魂飛魂飛願以身爲代涕泗哀祈天
鑒在精誠真漠信可孚支離牀褥欣無害牀褥支離歷
歲時厠踰浼濯久安之非無臧獲承風冒惟愛淒淒日
影遲日遲間視身常早從茲願侍慈帷老哽噎殷勤祝
國朝詩錄

卷二十一 孝子

三

不忘撫摩晨夕歡相保相依相保自年年綵服承顏阿
母前揮戈莫返西山日銜石難填東海天東海難填孝
子恨椎心泣血忘勞頓望歸華表空千年爲開窰窰營
方寸方寸縈紆只自知幾回攀樹涕漣漣欲靜不甯臯
子淚有聲無句白華詩雀入鳩棲感禽族自昔高蹤竝
芳馥瑤環瑜珥滿階除秀挺靈峯三十六黃山昔曾產
異人似茲純孝更無倫還徵潛德幽光發動格蒼穹福
祿申

儀徵張孝女詩

嘉慶二年春儀徵武尹申淑率奉

馱石土人云昔有孝女被焚於此出爲崇石所
以鎮也申笑曰焉有孝而禍人者啟石視之大

書孝女赴火救父處七字背有記解云孝女張氏巧始年十四父病不仁兩兄業木營作於外惟女侍養乾隆甲子里人不戒於火女救父與盧舍同燼焉翌日檢其尸見女胸穴有四手蓋已負父於背而不能出也貳尹申張雲璈於上官請旌立祠江干徵詩文焉

孝女赴火救父處道旁大書事可據五十五年蹟早湮

過者紛紛掉頭去眞州貳尹事疏濬短碣城隅尙堪認問之上人語不詳父女傳聞記同燼冤魂往往出爲祟此石分明遣相鎮貳尹聞之粲然笑孝女作殃吾不信挾苔剔土審視之石猶完好無缺虧其陽有題字其陰有銘辭事頗具顛末一一無所遺孝女知父不知我孝女見父不見火冒火惟求父得生負父還將火同荷苦

國朝詩錄

卷二十一 孝子

三

向炎威抵死爭不知烈燄隨身裏可憐塗地肉已糜猶覺救親力逾駭一靈幸與所生依百骸甯共飛灰籟女魂不作碧血憐女心定化金蓮朵當時赴火惟女獨或死或生更誰告若非四手宛在胸安得萬人齊屬目貳尹亟向大府陳 朝命一下無邊巡始知顯晦事有數出祟之說非無因孝女魂魄未必更戀此應是多年呵護之鬼神吁嗟乎曹娥十四殉父死巧姑之年亦如此一死於水一死火千載遙遙兩女子

沈孝子詩

烏程沈敬齋標性至孝母年八十餘色養無倦鄰人不戒于火母且聾不聞也孝子矇矓驚起火已及奮亟趨母榻從烈燄中負之以出煙迷路塞若有神人導以前者卒達

于外眉髮無所損人以爲孝感
蓋乾隆癸卯四月初四夜事也

陸元鉞

黃風怒來赤燦烈火龍夜半掉尾疾摧燒拉雜無完牆
鬱攸遂及織簾室室中有母八十餘宵深睡熟驚斯須
椎胸告母母尙疑以身負母奔街衢是時雲昏月慘黑
霹靂飛空煙四塞人猛於火火不侵出死入生爭片刻
神魂既定翻嗟吁囊空甑倒居無廬當其災患起倉卒
知有其母忘其軀精誠格天天意厚返風滅火亦時有
知君至孝神扶持此事今猶滿人口

平湖戴氏二孝人詩

李膺芸

農家戴秀山兩女有與如父死矢不字撫弟十歲孤夜
國朝詩錄 卷二十 孝子

重

織雨張機朝耕雨柄鋤風中同拾薪雨中同摘蔬兩女
勝雨男克代母氏劬有肉果弟腹有繇温弟膚弟長延
厥祀女甘爲之奴哀哉弟再娶短命影忽徂遺腹幸生
男襁褓泣呱呱無母呱呱賴有姑母老又終堂
苴杖代弟扶頰頻舉四喪罔廢畱與畚辛苦卅餘載姪
已能負芻有年已六十如亦五十餘至性本天成何嘗
讀詩書昨輯邑乘稿眾口交稱揄今爲賦此詞以俟旌
其間

尊聞堂詩

范雲濤聘金氏婦三年而雲濤與其父

金氏以一婦人始終姑之存沒喪葬成禮且爲
范之宗建祠以祀先序雲濤父子於昭穆而顏

堂曰尊聞誠無愧於節孝之大者黃緒奎記其畧

俞理

寒松有本性凌霜乃逾堅
寡鶴一一飛孤雲附遙天
撫琴動哀操淒絕長吟絃
人生或榮瘁之子良可憐
三載骨肉喪遺孤一以殲
奉姑乃忍死偷生非苟全
勤劬送姑歿亟欲從黃泉
弑我封馬鬣纍纍歸牛眠
拮据構祠屋廟享垂長年
凡其所經營皆處至迥邇
豈惟伸大節亦以光於前
自古重賢孝柏舟胡嚼然

江孝女歌

秀薛汪小坡女芳姑父疾革日夜哭禱願代父泣問曰兒悔否女曰

願危父泣問曰兒悔否女曰

張駿

幸得代矣夫何悔遂瞑而逝

國朝詩鐸

卷二十 孝子

言

所祝女哭父病起父哭女竟死古來孝感未聞此
曾讀曹娥碑投江尋父尸捐軀殉父父不活追歡泉下空相
隨今也代死父克生芳姑快然志竟成此去瑤池侍玉
母不死之藥般般有玉液瓊漿冰桃雪藕夢裏攜來為
父壽不願生生世世為父女但願今生父與偕俚偶

讀袁孝子傳

上虞袁翊元字羽公父以封股療親疾里黨以孝聞母陳氏年邁遺疾元

躬侍湯藥罔倦一夕出延醫家人不戒于火子若婦號于門門已燬元狂奔至從火燄中入大踴然黑不得入出而復入者三迷選所在則大呼曰豈竟置母于火耶復踏火徑跟踰抱母出頭額焦爛母竄入水出不逾時旋卒元痛母亡慟哭亦卒

徐濟

父剖股生孝子母邁疾委牀第延醫歸門已燬子號咷

婦悲啼母存一息孰拯之奔號赴火煙塵迷黑風捲烈
燄飛呼天大叫負吾母二入三出火中走壯哉焦灼及
皮肉此母乃免共姬續出火中難再生投水中忍獨生
三日哭淚盈斗兒願地下依左右烏虜孝烈如此古未
有身已糜名不朽

負姑行

爲門人吳月舟祖母作

朱彭

樹頭啞啞啼白烏堂前垂白有老姑母偕婦周勤奉養
終宵操作忘艱劬歲在庚辰夜將半嘻嘻咄咄聲頻喚
俄看姑室起煙塵一片紅光上帷幔老姑倦臥方在牀
病軀驚起空傍徨家無僕婢誰相將排闥但見燎方揚

國朝詩鐸

卷二十一 孝子

三

母時亡命火中走拽衣爲姑覆其首踉蹌負出疑有神
火已灼衣煙塞口姑身不傷母幾焚焦頭爛額殊酸辛
剝膚之痛豈不顧爾時惟知姑有身從此呻吟臥牀褥
火氣熏心苦踰跼子婦持齋禱北辰夢酌清泉解炎毒
始知至性能格天母旣愛姑婦亦然嗚呼母旣愛姑婦
亦然一家節孝何其賢

番薯吟

定海諸生李異占家赤貧謹事母授徒數里外每食必歸食已復至主人詰其故泣

不語久之乃曰家貧母食番薯何忍獨食飯也學使阮芸臺先生訪知表之給以金不受語以歸養母乃感泣再拜去

焦循

母食米兒食薯母心不豫母食薯兒食米兒能不泣涕

海水洶洶浪拍天中有斯人行獨賢使君與金謝不受
無名得此身之咎使君曰汝勿卻姑買市中珍歸爲賢
母樂李生叩首納金去兩眼紛紛淚飛絮

官氏雙孝娥詩

王豫

吾聞木蘭之孝代從軍又聞緹縈之孝能雪冤此皆血
性所感發間氣往往留坤元官家雙孝娥淑靜而恭溫
隨父宦入塞讀書稱名媛一日蠹苗作不靖父勤厥職
殞厥身孝娥相向泣繼血呼天幾欲以身殉踰年厥母
亦病卒哀毀骨立殊難存兄嫂晝夜隄防密孝娥宛轉
志不伸阿姊顧妹言爹死孀死我幸生母乃辜此罔極

國朝詩錄

卷二十一 孝子

三

恩阿妹顧姊言爹死孀死姊死我獨生母乃苟活乖人
倫一鐙熒熒氣慘淡哀極發聲聲轉吞密箚月黑天爲
昏哀猿嘯雨愁雲屯是時兄嫂意稍懈雙娥併繫朱絲
繩黔人聞之淚交墮椒漿有客爲招魂大官錄金遺吏
祭四匱并得歸鄉園父爲忠臣女孝女天地正氣鍾一
門吁嗟乎視死如歸孝且烈草間乞活何如人

沈孝子詩

坊者沈某居嘉興竹林里
父患痲疾刲股以奉親

唐 祝

嗟哉沈孝子生性一何愚父疾不可療刲股表區區子
爲父遺體焉得戕其膚卽以父遺體還救父病軀揆之
聖賢理至性或相孚吾今謂爾孝吾今謂爾愚孝亦不

可及愚亦不可無

奈西州

蜀中十一歲女子奈西州上書
額釋父戍得有救還人義

李宗昉

長天天西頭有女奈西州西州父得罪遠戍漢江水入
十翁媪哭思子十一女孫悲欲死死不得父歸翁媪心
益悲生欲得父歸此事豈是弱女爲告之法吏遭呵麾
謂官執法他不知得救會有歸來期女曰翁媪皆白髮
待父歸來恐朽骨我將匍匐入帝都直叩天扇求救書
樓雲莽蒼蒼連山多虎狼黃河渡頭風夜黑勁波山立
渡不得倉皇急走脛無膚行路之人心慚側登聞院鼓
鳴雷聲驄馬使君爭顧驚觸階額血光稜稜閣門封章

國朝詩錄

卷二十 孝子

三

奏聖主 聖主曰咨孝哉女女之父罪可原宥之宥之
去荆門歸向蜀江爲良民嗚呼百男趨趨不如緹縈千
夫優柔不如秦休緹縈秦休皆英流于今又見奈西州

題謝孝子傳後

孝子嘉興人

馬錦

孝子生無顯名孝子死有信史孝子者誰謝厯山呼天
搶地嘗諸艱母溺水兒在岸兒急奔救心膽亂奮身投
入洪濤中負母出水兒之功父病逆旅兒往迎之有祖
在堂兒泣告之惡鬼挪揄不得施神靈左右相護持道
旁耽耽猛虎飢徒手而博如伏雌祝融肆虐父驚失色
援父出火是兒之力孝子孺慕六十年自始至終無衰

焉生難隆其養死乃表厥阡君不見煌煌綽楔榮考妣
俎豆春秋報禋祀嗚呼謝孝子

鄰城婦

李 旃

壬辰冬迄癸巳春填街塞巷皆流民中有老幼來叩門
一嫗鬢髮白似銀扶以少婦無完裙端肅之中有餘溫
得食便去言不煩尾而覘之負鄰牆老嫗中坐少婦旁
出飯餽僂進嫗嘗次哺諸幼殊安詳視婦所食吁可傷
稜稜穀殼充其腸使人對此矜糟糠問婦何來淚如霰
道是鄰城舊鄉縣去年大饑骨月散間關獨與老姑伴
妾夫存亡不可知兩童子鬢相追隨一童枯瘦一差肥
肥者小叔瘦者兒吁嗟此婦何其仁己子不與小叔均
何況事姑不有身流離九死心彌純須臾驚歎聞四隣
糗餼餅餌投紛紛約束兒童莫輕啖惟道吾姑身苦辛
家鄉回首三千路羽山沂水知何處一身溝壑何足憐
忍使衰年飽霜霧吁嗟乎此婦純孝今所稀久餓不死
神扶持吾儕何以稱儒者起坐中宵汗浹衣

崇明老人詩

讀陸清獻公崇明老人記
演爲歌謠便婦孺口誦也錢泰吉

大哉 仁廟御宇萬物得其宜胚胎元氣方茲茲 天
子以孝治天下天下婦子皆熙熙延陵老人爾何人適
丁其盛樂不可支少年鬻子以療飢分當生死長別離

四子人奴亦蚩蚩。那識古有南陔詩。一朝乞身富家兒。
四間列肆如置碁。其中一間平不陂。五日十日於此進。
壽卮。老人九十九。妻生二歲遲。百齡夫婦猶齊眉。四子
並立諸婦隨。諸孫婦會孫二十餘。人輩行無參差伯。
子花米店米以治飯。花裝衣有衣何必絹與絲。箇中大
布仲所治。叔也醃臘堪。朶頤季則南北雜貨羅。絛絛各
出其有以。供老人之所思。老人飲博無不爲。一串五十
錢。櫥中取錢錢不虧。取錢入市任游嬉。有時遣人錢密
持。以付博徒翁不知。佯輸與翁翁持歸。烏虜四子之孝
古難得。四婦之孝古尤稀。蚤餐午餐晚餐。以大陳盤。匪

國朝詩錄

卷二十 孝子

完

但願日日得見翁與姑。一日不見心不怡。烏虜老人爾
何人。乃獲上壽。又得是子是婦樂。不可支雲間佳士王
慶孫親見其事。口述之。當湖夫子史筆垂康熙二十二年
十月。旣望時孤兒讀之。涕漣漉。此事足沁人心脾。演
以韻語譜入笙詩吹時。惟道光十有三年。天子仁慈。
聖母慈。到治上媿軒與義萬物各得其所。如由儀願。
天下子事父母。婦事舅姑皆如斯。

兒當歌

紀洞庭徐金霖孝行也。母嚴有心疾。恆不寐。命金霖歌不能則取唐人詩句抑揚抗

墜之又命之舞。則爲童子跳盪狀。

朱 綬

亦終夜不寐時。孝子年五十許矣。兒當歌兒不能歌。母命兒歌不歌。奈何兒歌且舞。母心

歡喜母不歡喜兒跪不起宵燈熒熒街漏疾下兒有母侍誰如兒春兒鬚彙彙兒如嬰孩兒不能得母心嗟嗟生兒奚以爲

漂婦歎

江濱有婆婦夫死遺周歲兒有姑年八旬餘江漲陡發全家漂沒婦於水中覓得群

兒將負之達岸適姑呼號過側婦惶遽勢不能兼顧遂棄兒挈姑出姑得生痛骨婦曰吾家單傳累世汝夫僅遺此襁褓兒我年已垂暮卽死亦何憾汝欲生我不以夫嗣爲重是斬祖宗血食昔汝也我奚用生爲言訖仍赴夏之盛水死婦亦慟哭以殉余哀之而作

茫茫巨浸連江涘孝婦倉皇挈姑起挈姑轉棄兒實出不得已但行吾心所安而已矣一解姑冒婦婦無語眼前嬌兒去何所入險誰知出險苦嗚呼兒死姑亦亡留

國朝詩鐸

卷二十 孝子

單

此殘軀究何補二解無夫并無兒此後將誰倚無夫幸

有姑尙可不遽死忍心棄姑延續似地下何以對夫子

勢難兩全總一是不敢怨姑祇懟已三解盡孝姑固重

存祀子不輕自來天理皆人情漂婦雖死賢於生千秋

嗚咽江流聲四解

楊氏兩孝子歌

楊入楊九山陰人居於杭爲人肩輿得備值必以告母無纖豪私蓄

兩婦亦恂恂承順雖蔬食藿羹必又俟姑先食兄弟相友不徵逐儕輩又

阿八買肉饜阿九沽村酒勸母盡餐爲母壽母也忻然

開笑口一解兒負輿竭傭力兒養親盡子職室中啞啞

無他人兩婦團樂侍姑側二解往年糴價昂兄弟默自

傷兒婦共縮食阿母飯有湯解三 兩孝子幼讀書大義

暑明能報劬能報劬手足俱嗚呼遜讓慚士夫解四

友悌

吳義民詩 稷山義民吳伯宗世為農弱歲喪父母兩弟俱幼其少者為人畧賣未幾其次

者又失去伯宗求之十餘年皆得之為作是詩以告世之為兄弟者 沅

有弟有弟在巴巫天寒日暮道鬱紆山如劔鉞路崎嶇

瞿塘三峽妖鳥呼十年不得平安書義民思弟行踟躕

巴雲茫茫巴草枯欲尋無計空嗟吁誰知相逢在上都

憶昔一母生三雛虎兒墮地雄於菟牽衣繞膝伯仲俱

推黎讓棗為歡娛可憐轉鬢遭髡徒痛定思痛心何如

國朝詩錄

卷二十 友悌

望

兩人相弔形影孤有弟有弟醫無間漆身吞炭依穹廬

朔風如刀割飢膚馬通燹火延頭顱自甘沒齒為人奴

義民義激思首塗寒江欲渡乘無桴嚴關欲過軍無符

狐裘不煖雪片翁何況單衫遮肝軀含情無語泣路隅

佃田聊復為輸租始得伏匿藏單車渠魁據窟同負嵎

落身陷阱非良圖陳情憲府走檄拘弟兄血淚霑衣襦

驛刀帕首雖睚眦義屈不覺辭囁嚅玉關生入行安驅

一時高義傳通衢至性純篤愧小夫客言庸行徒區區

吁嗟庸行今已無

前題

秦道然

民名伯宗其姓吳父母並喪遺三孤伯宗年甫十四五
仲季孩幼聲呱呱出則提攜入同處哀啼中夜隣人吁
一日幼者失所在徧求數歲終成虛次者無端又失去
晨夕哀痛淚眼枯同體三人身屬長致弟流落誰之辜
叩頭誓墓告父母尋弟不惜捐兒軀重跡山川歷幾載
是非錯互空馳驅忽從京師得其季已易數主爲人奴
主翁哀憐許相付俟得仲弟歸鄉間逆旅忽逢舊都容
口傳仲信言非誣上言身從某年月爲人給至東海隅
地有流人作姦藪掠得生口如貨居我今作奴流古塔
朝逐牛羊暮狼羆下言身已落陷阱心念鄉里難逃捕

國朝詩鐸

卷二十

友悌

聖

我有阿兄能救我不異刃下完頭顱伯宗聞語心斷絕
便與季別登長途生偕仲還死永訣季在不至飢妻孥
遼陽更北數千里凝寒墮指風裂膚郊關禁嚴以計達
果得仲所如囚拘伯宗自念入虎穴共填虎口甯非愚
大帥去此僅百里往愬倘得擒兇徒 朝廷清明威令
肅朝投片紙暮得符符遣將領質其事罪人雖得情未
輸伯宗對簿忽起立將領怒視兩目盱鞞筆交下血被
面伯宗侃侃氣益舒抗言奸人犯律令卻得平立言庭
除良民冤抑就伸理乃伏階下同囚俘民非敢與官長
抗黑白倒置理則無將領聞言遠愧悟奸人氣沮辭支

吾便白大帥令歸去死生哀樂分須與兄弟扶攜入
帝里共訝合浦還明珠 廟堂元老敦政本力崇五品
追唐虞鴻文大篇紀厥事登諸上座同璠瑜行看緯櫟
表宅里永作 盛世人倫模

義卒行

客述州有某姓卒代兄戍滇余高其義
作義卒行紀之時康熙五十八年二月

周永銓

慘慘堂前紫荆飛飛原上春令桓山之鳥欲去而哀鳴
苦哉遠征人陟山望親還望兄嗟嗟行役萬古情

解

彼少年者色何黯然娶婦未三月昨來黃紙到官行將
出戍南滇歸告阿母阿母叫天新婦口噤目眩俛俛不

國朝詩錄

卷二十一 友悌

聖

能前解 小弟前致詞母兄且勿悲阿母生我二人兄

今有嫂未有兒何得遠去生死不可知弟當代兄役門

戶兄自主之

解

阿母兄嫂聞言淚下如縷縻大兄前

致謝此事甚非宜感君區區懷我心已再思固知此別

異苦樂何乃反累弟爲弟切切相勸止但言兄嫂勿復

疑

四

翻然出門去意氣何慨慷別我先人墓辦我行

子裝佩刀三尺餘挽弓三石強弓刀及戎服羅列東西

廂親戚走相送酌酒歌同裳

五

晨興拜堂上骨月相

悲切臨行囑兄嫂欲語復嗚咽但得兄嫂一心善事阿

母常喜悅萬里羈人慰愁絕

六

收淚就長道關山別

思重白日結愁雲至情感蒼穹之子識大義行當早立
功歸報 皇帝陛下無煩遠顧蠻中揚名史冊垂無窮

解七

雷門吟

蔣士銓

餘姚有余霖四十老一衿謁我叢山麓涕泣悲不任謂
公具手筆乞爲雷門吟亡兄名余震雷門乃其字霖生
托遺腹母老欲拋棄兄嫂奪血胞兄怙嫂則恃母亡兄
六齡九齡兄授經魯鈍不可狀兄獨嘉其靈雨姊及笄
嫁一一飛奪令霖愚復多病二十奄奄形病則奪書爰
痊則還燈檠欲繼先子業恐傷予季情迴憶七齡時兄

國朝詩鐸

卷二一

友悌

四

子同病瘍戒嫂善視叔叔安兄可殤日夕嫂抱持兄子
擲於牀我啼嫂則泣我笑兄則歡三十受弟室旋入膠
庠間看我衣上綫嫂淚存斑斑檢我箚中書手澤兄黃
丹兄嫂六十歿合葬上林邨南山宋家嶼有我兄嫂墳
兄以貧廢學醫藥活千人活者慟兄死皆欲贖其身霖
困蓬蒿中懼掩兄嫂賢椎心泣血辭願公采斯言我爲
一一書孝義可云止愧彼尺布謠用以光 國史

張義士殺虎歌

義士鞏縣人名繼倫弟爲虎攫倫奮斧殺虎救弟康熙二十餘年事

張九鉞

山麻蕭蕭白日昏飢虎出吼俚攫人村農倚壁叫號急

虎口呀呀據且躡東來壯士兢且武被髮大呼揮利斧
眼中見弟不見虎虎撲撲之如撲鼠山搖嶽撼快一擊
陷腦碎顱猛何益手從虎口提弟歸天清野曠腥風息
慈母撫摩賓客擁洗斧堂前堂欲動豈有神靈助疾威
由來血性騰奇勇留田之獸悲且鳴桓山之鳥不忍聽
以茲愧彼無良者早令搗面還搏膺

田生行

韓 對

商州武關鎮上有田生純若其字懷錦名暮歸讀朝出
耕室中黃口兒堂上白髮親其堂何名前州牧鄧名之
曰榮荆同堂兄弟二十人百口共飯無紛爭客至則或
國朝詩錄 卷二十一 友悌

春或汲或芻或薪更番奔走從使令與坐談腹便便史
與經古人之荆有枯榮今人之荆鬱哉長青青

割臂行

讀山陰潘石舟明府記其尊人占吉先生爲兄到臂事

吳上尊

嗚呼兄死我臂寒兄若不死甯使我臂殘臂殘止疾苦
臂寒摧心肝解一 潛持匕首向高閣默禱神明肉作藥
肉一片藥勺解二 肉豈有靈心自誠人雖不知兄則

生但慰父母地下不知淚血之交并解三 白髮兩妯娒

遺言說如此記中傳信不傳疑作記者誰是其子解四

夫子辭讓繼產詩

夫子雁行中斷近被慈命以長房次孫借余劓子兩續仲氏之

後夫子恐陷自私自之嫌辭所析田閭馮爲丞嘗地余高是舉慨然成詠

媛馮

世風雖日降古道當復爲君家世孝友及君克振之君
幸承天眷堂有鶴髮姿安貧耕筆墨菽水薄無虧稽古
勝百城世紛何足縻鴻鶴翔寥廓俯視空塵泥相期固
清節罔較是與非敦茲廉讓行庶使薄俗移

附錄

不悌鬱鬱詞二章歲荒有兄不顧弟者爲此辭以諷之

鄭世元

鬱鬱紫荆樹枝條何紛紛本是一本生勿謂枝條分父
母生我時止有我弟昆與君雖分形血氣同一源予手
若創予足不伸予體不伸予心煩冤兄兮不相關誰知
子之燠寒

相彼鳴雁猶同其羣胡今之人不知有弟昆我視之弟

國朝詩錄

卷二十一 友儕

四

親視之子念我父母兮心熱而顙泚

兄告饑三章

有兄老且貧告饑於弟弟不顧者傷之作是詩

又

弟爲大賈兄告饑北山采蕨南山采薇兄乏食弟食肉
糜食肉糜弟口甘兄心酸

弟有食食輿僮兄乏食成枯骸一腹之隔不知饑腸日

日如轉雷親兄弟救我來救我來

末語出樂府

兄胡獨瘦弟獨肥弟胡獨飽兄獨饑可憐同生不同命
不怨我弟怨我父母生我丁此時

東商家

方觀承

東家寡婦饑夜哭夫死囊中無一粟西家賓客召滿堂

選豔凝情盛絲竹借問東家西家誰同堂兄弟大功服
咄哉此事在衣冠禮不云乎功廢讀衣冠此事蓋有由
太傅東山壞風俗君不聞宰夫揚解責調曠悼子在堂
猶未葬休論葛藟庇本根鄰有喪兮春不相

鄭燮孤兒行見憫孤門

尺布謠

錢維喬

昔聞上留田兄死弟弗顧如何骨肉誼視之等陌路譬
諸手足殊特行用則互何待相摧擊畫守已失助粲粲
紫荆花榮枯感庭樹同根不自恤安論戚與故

貞節

國朝詩鐸

卷二十一

友悌

貞節

聖

阮節婦詩

婦夫黃岡生員程彭時早亡阮無子翁始以家貧勸改適阮矢死靡他念翁姑

無倚生養死葬苦節三十年卒成厥志六十例當旌敘其大節於詩程啟朱

寒月照霜塗淒風吹斷梗弱植難久持勁節何能永至
性在空閨秉義獨淵靜良人中路捐一身罹咎殃豈難
以死殉黃髮莫存省以此守微軀晨昏自勉黽永言謝
鉛華蓬顏操臼井生事日以零况乃多凶眚飢寒甯復
辭庭幃嗟暮景長跪進藜羹勸慰聲悲哽鞠躬強承歡
有淚清宵墮舅姑相繼亡素旆空山引負土闕荒榛秋
墳哭月冷茹荼三十年孝節乃克盡垂白守衡門日暮

酸風緊

金環曲

洪昇

王家有女字秀文少小綽約蘭蕙芬項郎名族學詩禮
金環為聘結婚姻十餘年來人事變富兒那必歸貧賤
一朝別字豪貴家三日悲啼淚如霰手摘金環自吞食
將死未死救不得柔腸九曲斷還續臥地祇存微氣息
詎料國工賜靈藥吐出金環定魂魄至性由來動彼蒼
一夜銀河駕烏鵲嗟哉此女貞且賢項郎對之悲復憐
朝來笑倚鏡臺立代繫金環雲鬢邊

李季青棗巷見夫婦門

宋烈女行

烈女名典姐家于蔚州之西崖頭父農
父也年十六許嫁千字村人蘭州厥康

國朝詩鐸

卷二十 貞節

四

熙四年甫聘而州廝暴死訃至女方春穀輟春
動哭欲以死殉父母慰解之已而乘其母出裂
蘭氏所聘羅
數尺縊死

宋彝尊

紅羅持作帕素練持作巾何必合衾幃始為同心人宋
氏有女典生長蔚州之野西崖之山年紀十五餘許配
千字村村民蘭州廝大義結夫婦忽登泰山錄人壽不
得久女方曬穀聞之聲悲哀長跪告父母兒當從黃泉
下信誓旦旦不可乖父母向女言尊章爾未事慎勿捐
形軀相保親父子各各還室中涕淚終不止月正二十
日其日二十三日從東來奄忽墮西南闔門夜無人
女向空庭坐攬我素練巾接彼紅羅帕徘徊寢室旁自

挂中門下父母啟視哽咽不得言觀者四方至歎息日暮還童童暗嚶側乃有松柏林誰言寸草莖乃有松柏心

沈烈女詩

女吳縣人字黃于庚未嫁夫亡父母議改適女卽自縊以救甦自是縞素樓一樓鼎革時兄欲攜之避兵女曰死固吾分遂絕粒死黃氏迎柩合葬又

吳趨沈氏女許嫁黃小同墨車雖未迎媒灼言已通黃童抱羸疾十九年命終沈女得凶問淚落如泉江布總箭筈鬢喪服治衣工上樓不下樓顛顛願縣春冬含辛桂枝蠹食苦蓼葉蟲父母勸之嫁女志經樓中須臾救復活自誓永不雙獨居三十年兵革俄乘埔全家盡逃匿國朝詩錄卷二十貞節

吳

女仍守樓窗結我裳與衣輟彼殮與饗一笑歸黃壚之死何從容層層虎邱塔下臨松柏桐兩家謀合葬龜筮咸相從小字書新銘白石沙磨鷲雙飛化蝴蝶並蒂生芙蓉往來游冶女視此馬鬣封

弔周烈婦

萬經

天地有正氣綱常藉人扶當其志所激弱女勝丈夫四明濱巨海潢池肆樵芻象邑當厥衝殘賊甚剝膚婦也冰霜志詩禮爲楷模倉卒走避賊從夫出闔閭弱質既窘步况負六月雛夫婦不相保踉蹌各奔遁事勢在危迫死生決須臾舉身赴清流不復憐呱呱一死祇自全

含笑歸冥途荒荒白日黯慘寒雲鋪數日俱含殮顏
色腴不枯健兒盡膜拜聞者咸歎吁烏乎烈婦心豈爲
聲名圖中幘留正氣身死名不徂會當紀彤管國史他
年書

楊貞女詩

向璿

丈夫七尺空昂藏不及女子多剛腸爲看吾邑楊貞女
妙質天成無與比少年經史嘗披閱每見忠貞氣凜烈
父爲許字高家郎鴛枕未諧夫先亡氏方聞訃淚交迸
辭親欲往臨擗踊撫尸一慟幾欲絕宗黨傳知盡淒切
翁姑慰藉至再三茹荼含藥如薺甘終身自守共姜志

國朝詩錄

卷二十

貞節

五

血淚成詩枕間刺朝朝麻桌不辭勞并曰無非身自操
養生送死力不贍竭蹶曾無毫髮欠更念夫亡嗣未延
撫摩猶子意纏綿一生艱苦眞備歷鐵石心腸永不易
噫嘻大節在深閨母儀婦道兩無虧於今甲子餘六十
幽光直比星與日吁嗟吾輩復何顏碌碌虛生天地間
我爲此歌百感集懦夫聞之應起立

沈烈婦汪夫人輓詩

金 涇

婦人不幸喪夫子只此兩途而已矣前年隻燕去年來
昨日孤鸞今日死死固不易生亦難炎風苦熱朔雪寒
忠臣殉義士殉名意氣彌重生彌輕君不見上爲紅鹽

下爲滷一杯可使人千古

吳節婦詩

袁枚

郭氏女吳門妻撫孤中夜聞烏啼談何容易孤成立東

風又折瓊瑤枝

解一

上有老姑下有孀婦如影隨形

熒孤露忽然祝融災噫嘻出出走無路

解二

孺人聳肩

負阿姑阿姑頽邁驚且呼肩重如山蹠躩

解三

炙及

額燒及裳心知有姑痛已忘姑雖免死身亦爛音聲啞

啞若吞炭

解四

婦乃被髮泣涕再拜北斗旁願活我姑

賜我方果然姑夢若有神焉吹以清風飲以甘泉一朝

病已壽考退年

解五

于今姑婦皆已令終長孫入泮家

國朝詩錄

卷二十

貞節

五

風隆隆似此姬姜我聞亦寡敬作歌詩俟采風者

解六

光山樂府九章爲胡母甘淑人作 蔣士銓

溫溫胡公春官侍郎賜杖懸車歸老于鄉三子兩婦相

繼亡蘭摧玉折公心傷

心傷奈何冢婦是依日甘夫

人寸艸春暉公有副室夢蘭一枝男子之祥熊與羆

翁四載失兒兒更育兮兒四齡無母母誰鞠兮嫂上事

翁兮下撫叔兮叔四齡而孤兮嫂哀哀而哭兮

朝出

負土芻壘壘夕入翦鐙影離離叔不學嫂心悲周易函

書翁所遺舉以授叔從經師 叔學成矣叔可婚矣叔

子生矣兄祀存矣叔既官矣嫂心安矣叔祿千石矣嫂

頭白矣 光山人詠于官甘節婦守節三十年官上其事承 皇宣峩峩坊表光山邊節婦之心金石堅節婦之名日月懸 節婦死六載 覃恩大褒封叔秉臬於吳戚然憂見容陳詞請馳贈血淚達 九重壬辰六月朝命從淑人淑人眞禮宗 膺 誥章焚其黃墓木拱矣奠椒漿叔列五鼎嫂弗嘗叔也悽惻心旁皇松柏蕭蕭碑碣香女貞樹接天蒼蒼賢哉廉使一疏千古可以風天下昭來許傳寫萬本書萬部稽首編之新樂府

天長江烈女歌

又

泗水鳴咽流中有烈女魂死立泗水中白蓮香氤氳烈

國朝詩鐸

卷二十 頁節

五

女父江錫純烈女夫羅維藩夫遽天女未婚雍正改元歲天長萬戶同見聞父家夫家無可恃女生守貞不如死天長之人不敢忘乾隆癸巳請建坊烏岸士未食祿可從賊引經翻笑江家息

黃烈婦詩

又

死爲黃氏婦生是喬公女妾名鍾齡卽熙寧二十而嫁兩月寡身入夫棺人弗許人弗許妾心悲死則同穴生何爲妾幼讀詩書胸有經傳香昔慕曹娥殉親于江慕宋伯姬蹈火不下堂妾爲處子屢瀕於死天留妾身今復何俟父官河東母歸淮南舟覆惠濟盡室風潭母弟

未出妾先出骨肉共命妾死甘妾豈畏蛟龍再躍驚濤
中手攬兩衣裾餘生幸相從父官河南河決楊橋危城
剩三版衆命如萍飄妾衣已密紉得正焉可逃再爲河
伯遺妾命多堅牢堅牢亦何益妾死終莫辭未知有生
樂不如下從曹娥宋伯姬開我百福險獻我入寶簪請
翁營壽藏下慰熙宁心熙宁苦無嗣當立小叔子叔長
宜早婚庶得抱孫喜空房計時日夫亡閱二旬喚婢具
蘭湯浴我松竹身浴罷向空拜自挂何從容五城十二
樓笑躡雙鸞蹤乾隆年歲壬辰六月十七天大暑有司
請旌 朝命許吳淞江徹底清上海烈婦孝且貞詩成

國朝詩錄

卷二十一 貞節

七

拂拂清風生

張節母詩

爲鉛山張湖
妻黃氏作

又

生於黃適於張夫未冠游上庠年廿七夫病疴妻乞身
代夫竟亡投纆入井不可得引頸觸地生何望撫孤難
死節易任厥難妾無嗣小姑有女叔有兒妾撫育之婚
嫁之孤兒漸長老姑死寡婦獨存復何恃兒娶婦婦生
孫孫歿婦歿兒亦淪母遭此阨可以死天殛神罰憑誰
論母不死泣于天妾志堅天無權妾夫何罪至於此宗
人有子卽夫子繼我子繼我孫枯蓼再稊續本根啞啞
庭中烏頭白猶將雛雛今返哺烏已老七十之年心力

槁張郎有後餘生了吁嗟乎鄉人自請 朝廷旌節母
焉知千古名。

陳烈婦吟

婦山東人睦州守趙公起
吳姬也公卒婦即日殉焉

吳 騫

青青百尺桐枝葉空紛披哀哀彼烈婦視死忽如歸憶
昔離青齊行行指吳越當君牽絲時是妾委身日升堂
辭阿母再拜慘不歡戚里共來集遠送之河干使君從
門來車騎何雍容結以青玉佩貯以綠綺牕室中何所
有錯落難具陳流蘇八寶帳四角垂錦茵頭上金雀釵
耳邊明月璫初七及下九挾瑟上高堂高堂深且廣參
差蘭蕙發浮雲從東來白日忽西沒之江不可逾五馬

國朝詩錄

卷二十 貞節

善

徒踟躕君命畢茲夕妾生當何如掩我妝時鏡著我嫁
時衣渺焉一孤魂誓言長相依骨埋桃花塢郡東婦
葬處血
染桃花土桃葉復桃根誰知我心苦

張貞女詩

韓是升

女未廟見死歸葬女氏黨明文載禮經未嫁豈容往夫
死而守貞例不旌門榜張女秉志堅許字姓恥兩聞喪
絕水漿飲泣意悽惘阿父諒女心改節勢難強衰經歸
陳門篝燈事績紡操勵清霜嚴懷澄皓月朗夫綱同君
綱道在不可枉當其矢志初焉計破格獎始終心不更

大義炳天壤

沈母節孝詩減膳分燈二章

金兆燕

為沈樹聲母錢太恭人作嘗有句云減膳朝
供飯分燈夜課詩紀其實也余因作此二章

今朝幸有飯不作無米炊且供衰年飽易忍季女飢捧
敦匱具饋粥二老歡然各饜足獨入空房自束腹

母縫裳兒誦聲琅琅虛窗共此寒燈光書囊筆牀鍼線
箱一篝相伴秋夜長他日華釭照甲第萊公堂上堆燭
淚牆角休將短檠棄

貞烈王仲姑詩

又

吳郎年十五仲姑年十七兩家結絲蘿鴛鴦未成匹

仲姑聞郎死衰麻欲往哭祖母曰不然爾身猶未屬

國朝詩鐸 卷二十一 貞節

畫

二解 仲姑入室歎願影悲其身身既不許往願終往以

三解 魂三 吞粉不得死再服黃金珥心已同金堅身難共

四解 金毀 求死不可得仲姑自撫膺解我腰間繚畢命

五解 朱絲繩 絲繩復絲繩再結復再解四顧無死法安

能復久待 六解 向人求死方日日作死計一旦獲死所

仲姑歡然逝 七解 逝者何茫茫同穴歸山岡死義非死

恩不得譏嫁殤 八解 雙阡表墓門大書勒貞石吳郎年

十五仲姑年十七 九解

徐烈婦詩 烈婦吳氏毘陵徐鑑可之妻鑑可客游

之泣告死狀心疑之既產一女聞七日鑑可極
旋里婦得凶問絕飲食翁命人衛之密卒投間

自刺死里中藤丈東
委爲立傳並徵詩

程晉芳

蠟磯水駛如弦急昨夢尋君磯上立惡浪粘天不見君
山峯排劍猿猿泣連宵復夢君歸來告我永訣沈泉臺
覺時燈火澹無影羅幃颯颯風吹開朝來想像心然疑
含酸未忍垂涕淚縱教妾命薄如紙君無死相甯遭危
君雖不諱吾難隨腹中熒熒慮是兒何況殘更夢顛倒
卜錢鏡聽無凶詞可憐彌月還生女暗祝郎歸頻抱汝
冷驛荒山返一棺呼天泣血天無語妾心已死安能生
鴻毛未敵身命輕吳刀一刺委瓊玉九泉路黑從君行
是日寒冰沍川谷疾風怒號鄰巷哭秋衾紅袖共孤墳

國朝詩錄

卷二十

貞節

美

樹影連蟾雙鳥宿吁嗟乎撫孤守志甯非賢勁氣所激
無兩全割膚滅鼻古人事以此較烈何愧焉矢詩匪以
垂女史鐵石腸堪勵男子。

磨心潭歌弔三烈婦

諸暨顧英奇妻石氏顧綱未
婚妻姚氏顧宗妻張氏婢蔡

氏順治間避賊四江匯賊及之
同赴潭中死賊駭驅馬返焉

陸以誠

君不見磨心潭大阜屹立云今在三人一心動天地四
水東西常不改當時避賊江心灣二人已入泥潭中一
人後至恥獨全潭邊泥湍力扶出月黑葦深恐復失賊
炬紛紛照如日誓矢志躍入潭貞烈凜然鼎足三相
顧駭愕賊回驂嗚呼妾有心終難變磨千轉心不轉月

照潭心心共見

命樓居吟

吾友童鹿庵少失怙其母撫孤守節不下樓者十有五年

朱彭

江干老屋樓三楹以木支拄防欹傾童母守節子未立
家無儲粟空瓶罌鄰有老嫗亦早寡惇惇都是孤寒者
爲言苦節當同貞一居樓頭一居下牀前設靈帷牀後
然土竈鎮日坐樓頭樓下跡如掃驕陽當窗欲燦金我
心如雪暑不侵北風中人欲砭骨我身如松凍不折夜
來獨對青燈孤呼兒攤書依坐隅頻縫阿母手中綫爲
憐兒體寒無襦一女襁裸泣呱呱中宵遺溺相叫呼敲
冰濯遺冰刺膚十指龜折血模糊起視爐中宿火無兒
國朝詩鐸

卷二十 貞節

五

呻母吟聲淚俱獨茹荼苦十五載吾友始得爲通儒嗚
呼此節誰能如嗚呼此節誰能如

石門蔡貞女辭

徐吳念

語溪水清如醴東流繞郭至西河貞女特產西河里纔
協于飛卜中道失其侶上堂別父母誓欲從此去聞父
母言心益苦欲止負夫欲去傷父一腔熱血齊傾吐
見廟而還方爲婦貞女拜姑嫜何忍分明剖依然女子
宛然孝子姑有慰言甯惜一死嗚呼貞女不言病不言
命但得踐姑言未亡人事竟

女貞枝根忽折望夫山石欲裂三年鵲血帶啼痕清操

直欲凌冰雪嗚呼生不同衾死則同穴君不見東西松
柏樹交陰至今暗抱貞女魂風蕭蕭雨冥冥日出當空
照見妾心

趙烈女詩

女名銀姐父母早歿依兄以居字同里
蔣氏甫聘而蔣病卒女聞自經死兄悲

之爲治殯歸其柩
于蔣惜未請旌

王德浩

雌鳩有定偶孤鸞不重匹惟彼烈女心誓死當從一或
絕魯人求乃作黃鵠歌或無楚使符乃浮長江波滯滯
谷湖水天日清流漱吾鄉趙氏女生長兩峽岫同里有
蔣氏足稱清溪風一絲以爲聘身歸太嶽東天壽乃不
貳修短固隨化丙辰建子月天孫頃促駕凶音入女闈
國朝詩鐸

卷二十一 貞節

五

慘然心如擣闔戶入房中薄命捐草草夫逝二十二其
日二十二人間失鳩侶地下隨鸞驂丹旒明落日驅車
招貞魂玉埋雙峽間瑩光千古存

武康節母吟四章

徐雪廬母周瑞人家貧夫亡苦
節自勵教子成名平湖胡瘦山

作詩四章載於
宋咸熙耐冷譚

胡金題

補松脂

織蕪織弱冬寒夜作草屋一鐙翳青血赤血漉漉手龜
坼鎔松脂光似珀補得松脂夜將半十指蒸蒸氣如汗

暖豆屑

鬻破屋借人屋鬻屋葬夫棺借屋迎母同承歡一升米

一鍋水浙粒奉母母色喜撥餘糜揉豆屑野田菜和糜
噉但願兒飽讀父書甯辭貼錢草屋居

里正簿

斗米珠珍珠榆皮草根餓死猶自可乞憐羞殺我官家賑
飢憑里正立簿鉤稽注名姓蒙袂輯屨哀乞命前溪
一千戶盡入里正簿獨有徐家母十日甌封忍餓守

廉吏金

兒授經多脯修贖屋奉主徐與周名日重成均貢廉吏
愛才樂捐俸見金母色喜色喜爲廉吏爲我置棺埋我
骨我骨可朽名不滅

國朝詩錄

卷二十一 貞節

五

合肥李烈女歌

李遇孫

古來忠孝節義人其人已死靈不滅毅魄常留天地間
靄昱波詭而雲譎皖江烈女更爲奇迄今追述猶嗚咽
戴生未娶病瘵亡潛啼暗泣志已決此身誓不字二姓
忽有姪來偏饒舌是夜投繯氣遂絕舊襦淚漬皆成血
始來作弔燒紙錢紙錢飛燒姪衣裂家貧薄殮送郊原
不向戴家請同穴有賊不忍擬易棺默禱殯宮奠芳醪
歸家空梁聞嘯聲儻有影兮供一瞥急備衣衾無敢慢
發棺面色如生色香風藹藹松楸間時越廿日天更熱
嗣是靈顯不一端豈爲神兮歸仙列烈女姓李合肥人

彼都人士皆心折今春來作剡溪遊果亭大令詳爲說
烈女大令之族姑請我作歌表芳潔芳潔錄入省志中

千秋萬世昭棹楔古來不少節烈人烈女之烈爲奇烈

徐烈婦詩

婦蔣氏邑中談太守家婢配僕徐成生
子殤乾隆乙丑十二月夫死爲盡償

其通而葬之郭外
逾七日乃緇死

徐以泰

珠不受泥污金或雜沙聚地勢豈足論輕重在自取矯

矯蔣氏操捐身得未睹結禱旣六年獨結百年苦夫在

早哭子淚流漲兩乳子死隨哭夫淚血紛如雨無夫復

何依無子將誰撫然猶殉從容曲折安其父賣襦償宿

通買松種新鳴凡事夫之事一一手自部事完人亦完

國朝詩鐸

卷二十 貞節

卅

七日身化土烈哉談家婢不識字猶僉書此告鬚眉蔣

氏已千古

巢湖烈女詩

巢湖漁人女字李姓未嫁夫歿女不
食數日遂投湖死屍流至李氏門

而止因合葬焉
女年甫十歲

石 鈞

比目不孤游鴛鴦共棲止妾已許字君結髮固終始妾

未嫁君先死妾心日視巢湖水奮身波濤神鬼泣泝至

夫家表貞潔不得生相逢所願死同穴曹娥十二抱父

屍逆流而上真神奇漁家此女年更少殉夫烈志能行

之從此節孝兩相擅泰山之死人欽羨銜哀不比築青

陵作誄終然愧黃絹

割耳謠

吳中千戶某卒於官妻以子邵南薰幼不獲死割一耳納千戶手

千戶婦播人口千戶死王事攜孤哭道右妾志何由明
割耳納君手淚痕血痕流滿顏從今拋卻黃金鑲賣鑲
鬻釧兒勤撫鬢髮蓬飛敢辭苦妾耳在君手君心繫妾
思心耳相通不相隔人間消息君應知

吞金吳烈婦墓

許宗彥

烈婦之心金百鍊七死七生心不變膽瓶可碎腸可割
身與瑠璃同皎潔此事距今百廿年墓門荒草埋秋煙
清光如月不可蝕暫晦終顯甯非天觀者太息行者止
高坊道左還依然前有檢討毛銘以片石文中豪後有
國朝詩錄

卷二十一 貞節

三

學士梁大書七字鸞鳳翔表微自是君子性殺身豈博
姓氏香面孤山背葛嶺此坊此墓合共湖山永 皇嘉
慶年龍壽星修墓者誰吳之後裔河其名

節孝張母王孺人詩

又

楓涇水清瀾瀾楓涇鄉節孝里里中張氏有母操行甚
高美伶仃弱歲自王育於張唐蒙寄生松柏之旁隨大
婦奉高堂使助筵孝且良敬事夫子不敢矜容光舉子
女教育有方夫子病沈篤哀籲乞身代鬼伯不見省使
我寸心碎上有白髮鬢髮之老姑室中女君甚矣憊持
門戶大不易身不可亡忍痛強自力甦勉有無進甘旨

姑年九十婦心乃喜賢哉節孝母如古敬姜布裳操作
勤女功撫嫡子同所生事亡如存豐潔丞嘗春秋上冢
如覲姑嫜葬夫子及女君高墳若防穿土其側自爲藏
同穴大義章賢哉節孝母三十喪夫子金玉自守天
矜苦節報以福厚身見五世年過八十世希有子孫濟
濟門業茂歸於其室如釋重負作歌詒之彤史傳不朽

謝貞女詩

呂承恩

女未廟見卒歸葬女氏黨旣未成爲婦其鬼將安享共
姜賦柏舟我儀髦尙兩之死矢靡他守志厥初仿聖人
情爲田怨曠兩不强旣無重婚罰焉有未婚賞可守不

國朝詩錄

卷二十一 貞節

室

守間真誠發慨慷咄咄謝貞女逸志同雲上緬彼委禽
時津門雲莽蒼傷懷歌芑菑充飢拾粟椽逝者不如今
妾身猶是曩君舅宦粵東南歸迎雙漿始識沈郎門未
識沈郎像新婦未亡人拜而后稽顙無何翁又隕一落
眞千丈竭來母家居齊籌勤績紡卅年集荼蓼可歷不
可想嗟哉女貞詞讀罷心忽朗譬如奇男子雄心翦夔
魍方其抱血誠天地爲震盪譬如隱逸民高風振林莽
方其甘肥遯宇宙覺寬廣譬如戒行僧定識伏龍象方
其持嚴律邪穢都滌蕩又如佔畢儒屈志守盆盎方其
續苦功才名終骯髒怪哉一身兼乃在貞女榜禮經無

明文媼孀鏡宗仰於例未得旌在聖必加獎

宋咸熙耐冷譚曰昔歸熙甫以女子未婚守貞為過禮朱愚庵尤悔庵兩公非之非之是也蓋婦人從一而終不以死生易其志此古今通義也自非秉性堅定不能有是而世儒猶有妄訾議者此詩持論明通使熙甫見之亦應首肯

徐書受乞者妻行見夫婦門

劉貞女詩

松江劉全姑字徐驥雲驥雲死匿不以告全姑已知之時母亡父老病殊幼全姑養老鞠稚身兼其勞父疾篤語以瘞死當別

字交歿全姑曰曩所以不卽死者徒以老父在耳今將奉我母於地下遂自縊死

吳振棫

客言有貞女氏劉居松江徐生昔納采載書歷遐邦一且珠樹折鸞鳥不得雙父懼傷女心父匿不以告女心

國朝詩錄

卷二十 貞節

奎

測其故女面以淚沐是時女可死女曰死何速女當衰親奉女當孤稚鞠竭蹶供一餐十指血出漉父病出治命父意欲活之青青者女蘿曷不施兔絲是時女可生女曰死已遲反袂訣阿妹地下阿母隨蒼天何高高日月何晶晶彼女何嫿嫿貫之以精誠貞風發感唱幽光動崢嶸全軀歎薄俗全姑全其名

吳貞女詩

又

吳貞女家院桐字于姚曰仲容姚翁殂蓉繼亡女請易服往執喪衆人尼之心回皇東豪門西貴裔聞賢聲覬納幣女知之絕食飲非死非生偃而寢父曰已矣汝勿

側余不汝強就汝逼女聞蹶起搏頰謝聞者感歎淚橫
臆七年閉關人不識惟有日月照見女顏色嘉慶歲戊
寅十有二月月上旬素車御歸姚氏門上堂拜衰姑下
堂撫孤兒姑今有孫夫有子得死亦足窮奚辭惟山崔
崔下有玉女心視茲葆其璞我歌此詩風肅肅

題魏英姑截指圖

英姑倉伯孝廉女字同里李升
元李旋歿倉伯不使女聞而求
姻者輒至女暗截食指寸許母見血痕殷袖驚
問之曰兒將長齋故斷指自誓耳母稔其情保
護備至道光壬辰五月事也至八月女疾誦佛
而逝倉伯命納斷指於袖以斂并告於李李迎
柩合葬焉倉伯繪圖徵詠

夏之盛

淚眼結血指裂一寸瑤蔥勁截鐵此指可折心不折

解一

國朝詩錄

卷二十 貞節

齋

血漬襟袖紅淋漓同穴窅冥歸何時截指還父母遺

體原無虧

二

女也婦何殊迂儒口莫哆自來奇節本

一誠不然劓鼻刳臂胡爲者

解三

指之截惟義烈子死

孝臣死忠女子殉夫同一轍嗚呼英姑之行真英絕

解四

斷結行

嘉慶丙子邳州大飢村落有劫者劫新婦
車奪釵釧衣裘盡將去相和帶爲多結匪
俗壻解結新婦伴語盡將去相和帶爲多結匪
異我刃授刃遂堪胸洞而死

朱 綬

緬爾寡女絲彈我斷結行斷結者爲誰邳州新婦不識

姓與名冬十一月雞狗鳴紅瓊車子來親迎親迎奈何

當此日邳州大飢人不得食

解一

新婦辭六親掩涕上

車去此日邳州人食人娶婦親迎一何遠

解二

馬在前

車在後披紅壇娶新婦新婦車大道口民耶盜耶刃在手夫婿倉皇棄車走解三新婦前致辭胡乃迫我爲汝

曹利我有脫我腕釧拔我頭上釵虎狼眈眈側睨人肉

新婦白璧軀安能坐受汝曹辱求死不得當如何結帶

解帶心咨嗟解四心咨嗟新婦志已決結帶復解帶好

言斷帶當斷結持刃來持刃來白日焰耀青天崔魏懋

甘寸寸剉婦骨婦身有心心有血解五彼飢者民何爲

乎令牧不恤災新婦懼此辜昨聞中丞造賑冊吁嗟乎

新婦不聞表貞石解六

建陽過山勸節也建陽目婦人鄒志路

國朝詩鐸卷二十一貞節奎

過山非故山莫過前山去山上同心花山下相思樹相

思相合年復年同心一意金比堅團藥明月有時缺單

鳧寡鵠彈么絃節不可移山不可徙但過此山有如白

水

林烈婦輓詩婦曾氏夫亡許以身殉家人阻之聞

後三年舅歿喪葬畢閩陳曉永

遂絕粒十四日而卒媛盡瘁十年婦未亡三載人倡隨原誓死待養暫留身殉

節方完節求仁已得仁九原含笑去無淚更沾巾

此詩載杭郡詩輯讀續輯又載烈婦臨終詩其序較

詳序曰烈婦曾如蘭福建長樂人同邑林邦基室厲

家仁和婦嫁十二年無子姑歿夫以毀卒許夫以殉

投纓者再翁諭止不聽以殉節事報縣請存案縣批

曾氏宜代夫盡孝速爲立嗣翁乃爲立後烈婦又自
爲帖投縣云夫亡尙有兄弟侍養今立嗣是又有子
矣前詩身殉夫乃含笑而瞑負前言何面目見夫於
地下哉特親叩求縣又批宜撫孤成立待翁壽終乃
踐前言則所全實大嗣子可取名光節縣令捐俸十
金書孝節雙全四字表其門烈婦不敢廢命越三年
翁歿喪既舉告她姻曰吾今可踐諾矣遂絕粒不
食沐浴更衣拜辭天地祖宗出所鎔金九銖之正襟
坐素紙筆賦詩後書林門曾氏如蘭臨去題鄭筆仰
項而瞑夫亡于康熙癸未殉節丙戌七月其詩附後

曾如蘭

鏡裏菱花冷三年淚未乾已終姑舅老復嚙雪霜寒我

自歸家去人休作烈看西陵松柏下夫婦共盤桓

烈女孫秀姑詩

烈女錢唐人幼歸楊文龍爲待年
婦鄰有閩士積馱其貌有鑽踰之

謀女忍甚調鹽水中飲之而
死撫軍題旌置士積于法

又陳皖

國朝詩錄

卷二十一 貞節

奎

不共春風桃李場蘭馨幽谷隕秋霜紅顏翻作生前累

白骨空留死後香四海文章黎藁貴千秋俎豆藻蘋芳

人逢 聖世皆麟鳳委巷閨娃也異常

女貞篇

金山丁氏女寶慧字斐邑馬德璿未婚夫
歿茹齋守貞後聞其姑有疾涕泣請于母
願歸馬氏母乃告于馬備禮迎之戴書芬
侍邁姑惟謹立從子爲嗣已能文

女貞木獨抱孤貞完太璞靡他之死柏舟篇高並懷清

挹芳躅我昔悲歌黃鵠早兒纔繞膝女在抱懸絲一綫

苦撐持茹檠飲冰怒如擣讀女紀畧殊感傷拜手濡墨

重賡揚女貞之花何輝光女貞之節凜冰霜奉姑立後

持門戶弱齡卓見高千古守義豈必定捐生同穴從容

誓黃土。麻衣煩母親。結襦此事於古曾見之。君不見花
蒂不雙鸞。影寡羅靜以。身託亡者。

怨歌

關王

玉仁和人貌端麗能詩文父亡與母及兄嫂居
順治初元有菜傭以訛言選女誘玉匿其家事
既息母將攜玉歸傭則曰汝父已獲婿大郎王之
矣大郎者玉兄沈也初沈父付沈百金爲玉嫁
資沈以狹邪蕩盡其妻慮他日放斂費欲藉訛
言早遁之傭因以數金餌沈求爲其子擔糞者
娶玉沈許之母慟哭向沈索玉沈泣且以歸傭
傭母時玉年十三在傭家待年號泣欲歸傭謂
曰汝死吾家鬼將安歸令玉執炊餉冢組泥詩
灌足去繯約頭如蓬葆迨疾甚始放歸玉曰兒
死願埋父棺側不作傭家鬼也復嚼齒曰兒嫂
陷我語未畢氣絕死月餘沈妻及二子相繼死
皆見玉現形縛之去玉之歌辭善琴周西生
譜其聲曰關王操事詳毛稚黃小匡文鈔

國朝詩錄

卷二十 貞節

奎

父生我兮中道逝母熒熒兮門衰瘁兄嫂難與居兮決
我如目中之塵沙伊又邁此佻巧兮胡廷我之實多彼
要予以桑中兮夫豈其爲予之匹雙我有母兮瘋思泣
血我父而有知兮怒衝髮我兄摩抄傭之金兮骨肉相
蔑嫂旁睨兮笑言啞啞我憤氣兮如雲指漆室女以爲
正兮又告夫司命與湘君子不愛一死兮又悲速阿母
之下世願死而有憑兮爲凶之厲嗚呼哀哉我終死兮
魂獨歸去明告我母兮幽告我父匪我夙夜兮胡然遭
此行露也縱謂多行露兮甯能我之污也重曰嘉名爲
玉父之命兮幽辱冀壤終保貞兮憂思悄悄淚淫淫兮

蒙此忍詬日當心兮

補 弔平湖劉烈女 諸生劉某女七姑喬寓乍浦洵夷難投水 俞照塘

海上捲腥波三軍孰枕戈深閨拚一死正氣壯山河慷慨捐軀志從容授命歌三從知不朽大節繼曹娥

按林昌彝射鷹樓詩話云明季賊陷京師婦女遭辱惟殉節之家賊不得入其婦女得免似有神明護門事見討六奇明季北略可知忠孝節烈鬼神所護此其明驗林松門詩云正氣塞天地神明嘗護門洵然

國朝詩鐸卷二十終

國朝詩鐸

卷二十 貞節

矣



孝行補

題邱端孝先生孝行圖 先生名在禮長洲人雍正四年旌表 吳嘉椿

讀經得解 先生幼孤讀論語事父母能竭其力句掩卷而泣時僅七齡師異之

朝入塾暮入塾一篇論語讀爛熟事親竭力聖所傳琅琅歸誦慈親前事母未事父掩卷心悲酸

鮮菌奉親 母氏茹素終身喜食鮮菌先生親入山採取以奉

飲冰茹蘗母之志野菌亦為母所嗜入山采采盈空簞

得加餐飯兒心安蔡順堪孟筍與此鮮菌同不泯

遺金還主 母疾先生延醫畢橋路得遺金立俟失者還之

母疾兒煩憂延醫畢橋頭橋頭璀璨見何物一寸遺金

不盈笏知爲人所遺坐候主者還與之嗚呼先生之孝
眾所稱卽此細事人鮮能

躍浪扶舟

母櫬舟次胥江風作幾覆先生躍入水風卽止

舉親櫬渡香江舟輕河廣濁浪撞孝子拜水風不息拊
棄此身水中擲飛廉斂迹波臣驚一棺不動河流平

廬墓三年

先生葬母後廬墓並手植雙柏至今樹茂人謂之雙柏墳云

安窆聊盡鮮民心結廬傍墓師山陰秋霜與春露三年
永孺慕至今里黨稱道之行人指點雙柏枝

刻木肖像

先生孺慕終身刻親像於堂上朝夕侍側

欲事親親不存刻木肖像如平生出必告像前入必侍
國朝詩鐸 卷二十 孝行補

奎

像側惟有色笑不可得衣襟上有斑斑血

貞節補

讀歸震川貞女論

許楣

未嫁許更字守貞任所安先聖制禮義不強人所難志
苟堅從一豈在結褵間紛紛革除際守死有不官必謂
女可二遺民何稱焉按此章持平之論不墮一偏與前呂承恩詩宋咸照論合

雲間姜節婦詩

嚴錫康

辰山百丈勢崢嶸淞江千里水澄澈九峯三泖名勝區
有婦偏能樹卓節生小名門女誠嫻二十二齡褵甫結
懿行淑德鄉里稱自古賢媛許同列一旦烽烟捲地來

暗泣璇閨淚如血慷慨捐軀靡有他漉漉清流葬玉骨
烏虜庚申之夏賊至吳迭陷五州未一月守土殉者得
幾人爭似節婦氣烈烈彭君伉儷情彌殷述事徵詩徧
吳越 天章指日下丹闈咸見旌閭標綽楔一婦殉節
何足奇斯世綱常賴提挈辰山高崧水深巾幗英靈
長不滅

題李貞母像及祠堂碑記卷

吳嘉椿

貞母顧住花橋里字者迂村人姓李未曾清水作鴛鴦
一夕飛霜折連理母聞凶耗心自傷從一有志明綱常
繡襦手斷不復用素車往弔稱未亡康熙戊寅秋八月

國朝詩錄

卷二十 貞節補

七

貞母身歸李氏室上堂拜姑雙淚流以襦拭尸還自拭

母聞夫故以手斷繡襦歸李氏臥室與姑連腹背侍養
以襦拭尸還自拭面納之棺中

晨昏子職代嗣子幼弱防愚癡課讀以母兼父師守貞
三十七年久笑歸地下同白首嗚呼生不同室死同穴

未嫁與嫁心無別何必責刻据禮文聚訟紛紛襲陳說

鄧尉山高香水清烏頭綽楔 朝廷旌李家節母孝且

貞守祠况有賢雲祊千秋遺像拂拂清風生

持論與呂
許詩同

忠臣補

襄勤伯鄂虛亭中丞

容安 輓詩

袁枚

聽築長圍幾萬重將軍匹馬獨臨戎天山掃雪兵猶戰

青海題烏帳已空拜表淚留秋草上彎弓斃斷夕陽中
男兒欲報 君恩重死到沙場最善終鄂參贊征西
河殺於王事

甬上哭祭提督李忠毅公祠

阮元

粵海聞天接燧烽大星如斗墜殘冬一生精氣乘箕尾
百戰功名稱鼎鐘死後人知眞盡命生前 帝許得崇

封 至尊震悼廷臣哭早有孤忠動 九重

誰使孫恩賸一船非公追不到南天公擊蔡牽于粵海
牽推刺單舸逃入

安南海中遠探蛟穴五千里苦歷鯨波二十年隔歲過門皆
不入公連年在海不歸卽歸亦但在
鎮海修船備糧未嘗一返家署乘潮徹夜每無眠

雅之若與牢之合早見澎臺縛水仙

國朝詩錄 卷二 忠臣補

三

六載相依作弟兄節樓風雨共籌兵手中曾擊千舟盜

海上如連萬里城公與元所共擊滅攻散如水澳鳳尾
補網賣油七都等帶前後不下千艘

絕吭原知關氣數寄牙早已斷歸情公喉間被礮盡在
洋營封所落齒寄

夫人蓋以身許
國恐無歸樹也誰憐伯道終無子好與恩勤待館甥公
子襲爵者族子也女夫陳大綜從公
久知盜情余奏留浙甯波同知

甬上重來特建祠舊時部曲竟依誰鈴轅月冷將軍樹

提督署
在甬上泮水苔深叔子碑公修府學自
撰碑文記之如此置身眞不

恨何爲齷志也休疑麥城竟合關家識彷彿英風滿廟

旗云出師時禱于甯郡
關帝廟占得詩句

塾江丞李宸禦賊殉難詩

徐念高

半旅提戈去，眞成革裏屍。千軍全避賊，一倅獨攀旗。主
休人先報官，忘我尚卑功。名傳史冊凜凜見，須眉

吉祥寺弔甘忠果公殉吳三桂之葉名灃

古寺瞻遺像，孤忠弔國殤。張巡能饗士，莊躒敢稱王。血

灑滇西暗，瓏依闕北長。英風吹不散，鐘磬莽淒涼。公殺妾

吳副總戎韓公加業詩冀景瀚

沐昌發詩話云嘉慶元年川楚匪熾，總戎宜綿以冀海峰先生參軍事，先生與參府韓公帶勇

追汲紫陽安康境，內大小米穀賊匪，賊逼沔縣，調至陽平韓公忠勇，良將也。新募兵無律紀，公

獨戰無援，遂死。先生哭之。

仁嚴勇智世無倫，倉卒行師志未伸。陽平防兵皆新勇無紀律，倉猝將之

國朝詩錄 卷二十 忠臣補 三

一死自當酬 聖主九原應不愧，嚴親公尊人以把定總神亡金川

軍山上雲常冷，諸葛祠前草不春。公死處距武侯墳僅數里，坐地彎

弓猶殺賊紛紛，鼠竄彼何人。公馬蹶墜地，僕急易一馬，公揮之去，曰：此吾死所也。

去何之盤膝坐地上，拈弓矢，噫賊執旗頭，自一人從卒皆先逃。

十載交情骨肉親，余令平涼遊擊署年年戎馬共艱辛。余

宜制府公爲翼長，願厄將軍松制軍幕府，傷心伯子分袂，公兄至漢中，一

厄回首高堂更愴神，母年八漢上列屯悲大樹，漢中者

無不涇陽舊部泣遺民，公任靜甯都司及署平涼，皆有惠政。裹屍馬革君

何恨我爲朝廷惜此人。

吳林文忠公云奉使征粵逆陳偕燦

八桂干戈日三朝社稷臣登車猶力疾拜表已忘身出處關天下安危繫此人何當悲薤露遺恨滿征塵

天地黯無色原頭夜落星一身完大節九死出邊庭會公城西古驛燈微碧芳郊草自青故鄉遙隔處風笛咽郵

亭

三將軍歌

陳公聯陞陳公化成葛公雲飛道光庚子辛丑壬寅間皆以禦夷寇力戰歿于陣余聞人述二公事作歌

張維屏

三將軍一姓葛兩姓陳捐軀報國皆忠臣英夷犯粵寇氛惡將軍奉檄守沙角奮前擊賊賊稍卻公奮無如兵力弱兇徒蠶擁向公撲短兵相接亂刀落亂刀斫公肢

國朝詩鐸

卷二十

忠臣補

七

體分公體雖分神則完公子救父死陣前父子兩世忠孝全陳將軍有賢子葛將軍有賢母子隨父死不顧身母聞子死數點首夷犯定海公守城手轟巨礮燒夷兵夷兵入城公步戰鎗洞公胸刀劈面一目劈去鬪愈健面血淋漓賊驚歎夜深雨止殘月明見公一目猶怒瞪口如鐵立僵不倒負公尸歸有徐保陳將軍福建人自少追隨李忠毅長身經百戰忘辛勤英夷犯上海公守西礮臺以礮擊夷兵夷兵多傷摧公方血戰至日旰東礮臺兵忽奔散公勢旣孤賊愈悍公口噴血身殉難十日得尸色不變千秋祠廟吳人建我聞人言爲此詩言

非一人同一辭死夷事者不止此闕所不知詩亦史承
平武備皆具文勇怯真偽臨陣分天生忠勇超人羣將
才孰謂今無人烏虜將才孰謂今無人君不見二陳一
葛三將軍

題陳忠愍公化城遺像

陳偕燦

昨夜將星落吳淞水不流忠魂蘆港月鬼火戰場秋鄉
國同殘劫朝廷念故侯海邊展遺像怒氣壓兜鍪

射鷹樓詩話又采晉江陳頌南給諫慶鏞是題摘句
云君不見陳老佛手執紅旗呼戰士以一當十皆奮
起敵聲人聲震百里夷人當之皆披靡火輪辟易不
敢破自卯接戰已不止衆軍環視失角矯况復潰散
無律紀敗軍之將公所託整飭孤軍氣倍莖日昔
盡裂髮上指力殉疆陲報天子惜未見全篇

國朝詩錄

卷二十 忠臣補

七

關忠節公輓歌

諱天培廣東提督道
光辛丑殉節虎門

朱琦

颶風晝捲陰雲昏巨舶如山驅火輪番兒船頭插大鼓
碧眼鬼奴出殺人粵關守吏走相告防海夜遣關將軍
將軍料敵有膽略樓櫓萬艘屯虎門虎門粵咽喉險要
無比倫峭壁束兩峽下臨不測澗濤瀧阻絕八萬里彼
虜深入孤無援鹿角相倚斷歸路漏網欲脫愁鯨鯢惜
哉大府畏懦坐失策犬羊易制終難馴海波沸涌黥落
日羣鬼叫嘯氣益振我軍雖衆無鬪志荷戈卻立不敢
前贛兵昔時號驍勇今胡望風同潰奔將軍徒手猶博
戰自言力竭孤國恩可憐裹尸無馬革巨礮一震成

煙塵臣有老母年九十。眼下一孫未成立。詔書哀痛
爲雨泣。吾聞父子死。賊更有陳連陞炳炳大節同峻嶒。
猿鶴幻化那忍論。我爲翦紙招忠魂。

定海知縣姚履堂

懷祥

殉難詩

又

公侯官孝廉大挑浙江知縣道光辛丑英夷竄入
縣援兵未至公投北門外成仁塘死事 聞岬陰

定海縣濱海地瘠民甚苦縣小無兵不可守縣中居民
無千戶吏民勸官去官曰死此土虜來益衆勢倉黃官
投之水成仁塘如此好官我慘傷問知侯官人頗云能
文章一子予蔭襲我爲紀其詳大書定海知縣姚懷祥

朱副將歌

名桂浙東副將
辛卯拒逆殉節

又

國朝詩錄

卷二十

忠臣補

畫

將軍名桂其姓朱膽大如斗腰圍麤願縛降王荅鮫奴
臨陣愛騎生馬駒傳聞甯波新失利大帥倉皇欲走避
公橫一矛踞帳前此輩跳跟那足畏我有勁兵人五百
自當一隊往屠賊大兒善射身七尺小兒英英頭虎額
鋒合頗能搦其旗蛇烏指畫天爲低紅毛叫嘯番鬼啼
總戎胡爲先遁走峩峩蛟門棄不守槍急弓折萬人呼
裹瘡再戰血模糊公拔鞞刀自刺死大兒相繼斃一矢
小者創甚臥草中賊斫不死留孤忠是時我兵烏獸散
月黑漫漫天不旦中丞下令斷江臬亂兵隔江不敢逃
敢有渡者腥吾刀

王剛節公

錫朋

家傳書後

公事蹟見
烏夷門

又

皇帝廿一載逆夷寇邊陲定海城再陷三總兵死之其一鄭國鴻其一葛雲飛公死尤慘烈寸磔無完尸親軍數十騎鏖戰同燼灰先是裕制軍仗鉞往誓師余督爲犄角三鎮受指搆要害議分守險艱安敢辭甬東僻海陬烽燧苦新罹流亡招未復怪鴟啼蒿藜荒郭背崖峩曉峰何嶽崎竹山障其南仄徑窮烟霏兵法忌阻隘技擊無所施峩峩九安門獨力誰能支公率壽州兵帳下多健兒列柵據峯以彼虜潛來窺我兵壁壘堅無從抵其讎賊退攻竹山巨礮轟崩雷相繼破曉峩峩旗靡車輪國朝詩錄

卷二十

忠臣補

五

摧公乃急赴援事已不可爲鄭帥斷右臂裹創強撐搯張日猶呼公陽陽如平時葛陷賊陣間血肉膏塗泥或云沒入海振臂登危巖舉火發礮車反攻欲設奇一酋自後至剗刃裂腹臍惟時海色昏頽雲壓荒陂公棄所乘馬短兵奮突圍前隊旣淪亡後隊勢漸危相持已七日援兵無一來公死復何憾公名日星垂昔年戰渾河厥功銘鼎彝平搖盪蠻疆奪蜚居前麾鯨鯢坐可屠何論鼠與狸命將惜非人措置乖機宜傳聞祭纛日公潛語所私吾已辦一死此行必不歸後竟如公言失策那可追大帥奔甯波招寶旋傾顏同一委溝瀆可憐損國

威颶風吹怒濤羣鬼紛笑嬉鈔略浙以東比戶驚鼓聲
挈家競竄逐遠望氣慘悽老弱僵道旁婦孺走且啼稍
喜劉中丞鎮定安遺黎東南因征輸江淮半瘡痍奈何
縱夷舟順流過南畿用兵今兩年我 后日嗟咨既苦
經費絀又虞民力疲專閫成空名文吏習罔欺寇至軍
已逃兵多餉空糜頗聞陳將軍戰歿江之涓歸元面如
生大名與公齊世論泥成敗事後多詆諆若公等數輩
使建大將旗進可殲凶鋒退必堅藩籬何至貽隱憂歲
幣爲羈縻戎心戒潛啟邊備毋遽隳 國家重武略忠
義懷前徽死事例議卹優典極寵綏諡公以剛節祀公
國朝詩鐸

卷二十 忠臣補

七

有專祠公名曰錫朋傳者宣城梅我爲補所遺長歌告

予悲

此篇先從林昌彝詩話錄刻後見怡志堂稿有刪節處

孝行又補

題喬孝廉

崇烈

餉烏圖

孝廉寶應人居父子靜侍讀喪每泣則庭烏盡下禹

鴻臚爲畫此圖孝廉後成進士入翰林

朱彝尊

烏鳥啞啞東西樹子得食兮哺其父于思于思淚如注
惜烏尚有反哺時塊獨煢煢守邱墓

烏鳥啞啞樹東西迴翔下上不得栖飢來肯啄庭中泥
日食孝子一溢米墜廬共爾長悲啼

都門對月有懷

黃紹芳

慈烏巢庭樹啞啞啼夜闌中庭見明月明月何團圓流
暉共千里遊子憐獨看清晨故人至出見具衣冠爲言
二親健持示雙琅玕長跪開緘讀語語摧心肝不言親
念苦但道兒心寬高堂未白髮喜汝邀微官非貪升斗
祿潔我昔蓍盤芙蓉耐霜冷松柏凌歲寒所期報 君
國勿作兒時觀慈親示家事宛轉含辛酸兒勞理案牘
努力加飯餐北方多風雪憂兒衣裳單語長讀未竟涕
泗何由乾離家日已久耿耿懸寸丹嗟哉遠遊子悲歌
行路難遠遊缺甘旨此職誰能殫蹉跎閱歲序魂夢縈
征鞍不如菽水樂貧賤無所干微禽知反哺出入脩羽
國朝詩鐸

卷二十孝行又補

五

翰農家力田子朝夕供瓢簞鴻雁正南向側側來雲端
懸知倚閭望見月思長安家園隔海阻修道路漫願
言侍左右采我咳下蘭庶幾潔白養藉以承笑歡明發
不能寐怒焉起長歎

貞節又補

馮景

割雙耳詩

閩縣諸生林國奎妻鄭夫亡守節夫叔女芳挑之氏怒割左耳告於宗老杖之

又爲謾言投其子書篋中氏大怒又割右耳氏父訟於官下中丞杖文芳血臂荷校示衆時夏旱是日大雨俄而氏雙耳復生蓋天顯奇節也此乾隆間事

五事配五行禮聽尤所重世人寧不聰於卦爲耳痛古
有洗流人恥受莠言賁何況冰雪姿無端集隄訟謾書

千餘言鴟首豹聲闕白刃夜飛霜浩氣塞天空一割復
再割雙耳棄如葑鬼神鑿精誠江河助悲慟刻肌俄復
息今古誰伯仲桓蔭王凝妻亦爲姦所中賴此百鍊剛
生氣肅羣動奄奄蝮志輩百骸備無用

10142

國朝詩錄

卷二十

貞節又補

七

